

瑞祺段政執時臨



# 國聞週報

期八十第

卷一第



## 要目

- 社評(三則).....子寬 誠夫 炎炎  
委員制問題.....天生  
德國大學生生活之今昔.....子寬  
美國對未來戰爭之新預備.....魯公  
最後之小說(小說).....馬二先生  
裴斯開登之「三個時代」.....何心冷

中華民國十三年十一月三十日出版

中華郵務局掛號認爲立券新聞紙類

Vol. I. No. 18,

國聞週報社發行

NOVEMBER 30, 1924



## 名人錄



## 王揖唐

王揖唐原名賡。後以字行。別號逸塘。又號又一居士。安徽合肥人。甲辰科進士。棄官之日本。學陸軍。返國後任東三省軍事總辦。議營務處總辦。陸軍秋操統監。吉林獨立混成協統。兼籌辦成鎮事宜。旋任出使俄國頭等參贊。歸國後皖滇黔大吏交章薦舉。氏謝不應。仍旋吉總軍務。辛亥吉人推爲都督。力辭赴京。民國元年項城辟充祕書參議顧問。並赴甯接收南京政府事宜。補軍諮使。密雲副都統。著近邊建置要略一書。授隊軍中將。晉授上將。統一黨成立。以章炳麟介入黨。改組後與伍廷芳張謇梁啟超湯化龍同充進步黨理事。創辦中華大學。旋被選爲參議員。歷充江皖賑務督辦參政院參政。民國四年任吉林巡按使。五年調任內務總長。兼督辦京師市政。旋辭職赴歐觀戰。六年任臨時參議院議長。晉授勳二位。七年被選爲衆議院議長。八年任南北議和總代表。九年以黨禍興去職游日本。潛心撰述。不問時事。計先後譯著有上海租界問題。歐戰後新憲法。威廉第二自傳。新俄羅斯。橫山草堂聯話。今傳是樓詩話。重蒙養正集。艱貞錄等書。均將次第刊行。十三年因日本地震歸國。隱居天津。此次和平運動。籌治最力。各方推正式組閣。氏遜謝。願退處超然地位。贊助國事云。



# 編 輯 者 言

△歐戰以前、德國大學生生活、爲世界各國所不及、戰後情勢

大變、羣趨于工讀之一途、本期所載「德國大學生生活之

今昔」于工讀利益、言之綦詳、可爲吾國大學生之借鏡、

△本期小說「最後之小說」因篇幅過長、本期祇載一半、下

期即可登完、

△下期本報特請蔡受百君譯述俄國著名人物之小傳、當亦

爲研究俄國問題諸君所愛讀歟、

△本報續得關於奉直戰爭之攝影多幀、已陸續製版、分插各

期、雖明日黃花、但亦有刊載之價值、

△本期刊有新閣員照片數幀、係從各方覓得、趕製插入、俾閱

者得先睹爲快也、

## 目 錄

社評(三則)

國民應以實力促成裁兵實現……………子寬

國內軍人應有之覺悟……………誠夫

報應與報復……………炎

委員制問題……………天生

德國大學生生活之今昔……………子寬

美國對未來戰事之新預備……………Samuel Taylor Moore著  
魯公譯

國內外一週間大事紀……………公展

曲諧(續)……………二北

最後之小說(小說)……………馬二先生

裴斯開登之「三個時代」……………何心冷

時裝小誌(續)……………新儂

慈禧祕紀(續)……………清廷宮女口述  
馬二先生潤色

前期勘誤表



# 國民應以實力促成裁兵實現

子寬

自段祺瑞就任總執政而後。全國各界。以頻年受武力切膚之痛。冀兵禍根本消除。紛紛表示主張。咸以裁兵廢督期諸段氏之一身。函電連篇累牘。充塞於報章。顧於國民如何可使政府實現裁兵廢督。獨鮮有建議及者。記者以爲吾人今日不但應以裁兵廢督責諸段氏。且當以之責諸全體之國民。換言之。即今日不僅段氏應努力實行其裁兵廢督之主張。國民全體亦應於事實上盡促成剷除武力之責任。而尤應不避煩難者。則國內之經濟界是也。蓋凡一種理想。欲其成爲事實。第一須有實現機會。第二必有負責實現此理想之充分勢力。無機會則事固不成。有機會而無充分之人力以爲之。則事亦未必見功。在往日抱武力政策者當國時代。是無實現剷除武力之機會。今日曹吳失敗。段祺瑞入京執政。固已有此機會矣。然而能否不失此機會。竟成剷除武力之大功。則猶別一問題也。今日之直系雖已趨歸於失敗之一途。然此僅可指其對於中央政府之形勢而言之。若論其實力。猶據有豫蘇鄂贛數省之地。擁十數萬之重兵。川省劉存厚楊森袁祖銘之輩。復隱聽其指揮。未可遽以弩末目之。此派之表示擁段。僅爲目前之利害計耳。以其與武力之相依爲命。將來是否肯聽現政府處置。實行裁兵廢督。殊不可必也。西南各省關係複雜。在今日果覺悟武力應剷除與否。同一殊不可必也。實行擁段之奉馮魯陝各軍。直系銜之甚切。爲謀自保計。在直系武人未肯解兵以前。是否肯絕不顧慮。竟爲裁兵廢督之創。亦殊不可必也。如是則段以一人之力力踐

其所抱主張。而果否成功。吾人當然莫可斷言。假令成功。則在此機會。必有以實力助之。使武人不能不聽命解除其武力者。有此實力者誰。國民全體而已。何以言之。武人之所以能聚養多數之軍隊。據各省爲地盤。非其富有家財。足供應此軍隊也。其餉款以及購買軍火之金錢。皆得之於中央及地方之稅款。即由人民爲之負擔。軍隊之肯捨身家性命聽其指揮。非有厚愛於軍人。亦由此金錢爲之祟耳。若彼無此金錢之接濟。則雖有此軍力。必不復能有運用之餘地。屢次戰事之中。軍隊必得開拔費及恩餉而後開拔。即此顯著之例。故欲根本剷除武力。吾人非從此點致力不可。今日中央財政。竭蹶萬狀。且當主持和平者秉政。要不能更以巨數之金款。以助武人之扶植勢力。如此則武人勢必惟地方收入是賴。然恃此以爲違背政府作戰威脅之需。則此區區之費。殊不足以應此勢。非另籌軍費不可。此惟有押借外債。及臨時搜括人民兩途。前者在今日情勢之一。未必能收大效。僅後者可以爲之。此法何以對待。則當視我國民能力之如何。亦即我國民責任之所在。最近東南東北兩戰事。直派軍人雖得力於中央款項。而賴地方之接濟亦不在少。蘇省之例。尤爲明晰。各縣分担之款。達百餘萬。凡此之款。皆由地方商會等爲之代籌。苟人民而厭惡武力。彼時即不當一面呼籲和平。一面更以此助武人肆虐。夫斷武人接濟。要非人民力所不能辦。試問當時軍人前臨大敵。尙敢重加壓迫。激成民變否。詎人民竟昧於苟安之一念。竟任予取予求。是不能謂非重



大之錯誤也。今日若欲根本抵制武人使不敢違抗廢督裁兵。國民當覺悟此往日之荒誕。而實行拒絕將來武人之勒索。經濟界握地方之財權。尤應盡此責任。惟此亦非漫無組織之民衆所可集事。故當此裁兵廢督。有良好機會之際。各省人民應先謀有鞏固有力之組織。以爲對抗軍人。

勒款之準備。俾政府有實行裁兵之機會。武人失其可運用武力之能事。而不得不歸於服從之一途。總之剷除武力。國民亦應負重大之責任。更應有所準備。不能僅以屬望於一人。徒作文電之呼號。袖手旁觀已也。國民其勉旃。

## 國內軍人應有之覺悟

誠夫

段氏入都執政。首言更新。次列建設之軌道。全國民意。亦期望和平統一。澄清政治。天下喁喁。望治之殷。可謂至矣。願建設事業。千頭萬緒。言者連篇累牘。而不盡。行者恆不見其什一。言易行難。固爲不可掩之事實。而執行者之中途遭遇窒礙。亦不失爲一因。十三年中。建設之機會不爲少。然非坐令時機錯過。即因軍人之窒礙而不能行。迨夫中樞權力日微。民治趨向日蹙。軍人氣勢日增。月盛。浸假而成爲軍人政治之局。在此時期。軍隊任意擴充。新稅任意添設。國省債隨時舉辦。庫券隨時發行。財政由是而紊亂矣。市僧小人。同列要津。屠夫馬弁。俱稱將軍。仕途由是而混雜矣。直系兩派之末。此兩種現象。無不達乎極點。土崩瓦解之勢。固早兆其端。今茲執政當局。業標榜徹底改革。其謀建設。國內人民亦囑望革新。重視邦治。將來成功之程度如何。雖難斷言。而此際之朝野上下。謂爲共抱有向善進行之精神。則非過論。

將來兩種會議之結果如何。此際自難預言。以吾人觀察。苟無第三者之惡勢力。從中掣肘。當不無多少成功之希望。此所謂惡勢力無他。即軍人是也。往者軍人干政。成爲慣例。政府施政發令。靡不受軍人之干涉。國人亦視爲當然。不以爲異。此後既希望更新。此種現象。自不能再繼續存留。

顧政府基礎未固。不足以言制止。國民輿論雖嚴。亦不足使之忌憚。獨爲軍人計。則其自身不可不有相當之覺悟。何者軍人勢力。外觀雖盛。而以失人心之故。覆亡頻仍。連年以來。其例屢見不一見。此次戰事結果。固已昭示人心之不可侮。尤足徵軍力之不可恃。則今日者亦軍人覺悟之良機。爰揭櫫三義。以告今日有力之軍人。

一曰毋驕恣干政。此次奉直勝負之所由分。雖曰奉軍戰術之優異。亦實由於有民意爲其後盾。吳佩孚挾二十萬之大軍。氣燄之高。意態之豪。並世無儔。平時居洛。北京政事。無不問聞。乃至四照堂。視閱員將帥如奴僕。呼斥任意。不假辭色。驕恣之狀。爲民國以來軍人所未有。乃出京未久。而敗不旋踵。勝直各軍將帥。正當以此爲鑑。毋自以爲有功。而轉現驕縱之色。二曰毋擴充兵額。頻年內爭結果。每經一度戰爭。兵額即從而增加。甲方戰勝。則收乙方之兵爲已有。乙方戰勝。則收甲方之兵爲已有。故戰爭之際。縱有死傷或擊散之軍。而事後一經改編或補充。爲數絕不減少。此次各軍。聞仍不免有收集潰散直軍改編已軍之惡習。無論擁兵自重。足以阻礙將來之和平。亦且反乎人民希望裁兵之心理。各將帥應知兵多不足恃。自動的停止收編潰軍。三曰毋爭得地盤。歷來國內戰爭。每多



起於爭奪地盤。故甲方戰勝。恆取得乙方地盤。乙方戰勝。亦必取得乙方之地盤。此次各軍標榜正義驅曹。當然與往昔之地盤戰爭有別。故應將直係將領佔有之各省。還諸各省人民自治。不得取爲己有。上列三端。爲吾人希望今日軍人之最小限度。軍人自身。亦宜近瞻國內

## 報應與報復

炎炎

兩月以前。奉直戰役初動。吳佩孚移節入京。大軍雲集。氣燄萬丈。汽車如虎。豪傑似狼。四照堂前。風雲變色。叱咤將帥。如揮奴僕。凡出將軍帳下者。其顏色氣概。即足懾朋儕而矜餘子。猗歟盛哉。一世之雄。大丈夫固當如是耶。曾幾何時。榆關失利。馮軍入京。主和停戰。將帥離心。士無鬥志。倉皇回師。彌留津沽。殘卒數千。狂瀾莫挽。一艦南遁。豪業煙空。迄今逗影江漢。栖止無所。大凡大英雄之出處。其得意固非常人所能及。其失意亦有千百倍於常人者。論者每惜其統一盛業。非不可冀。特因將帥士卒。不能効命。遂致武力主義。未能貫徹。嗚呼。吳氏當猶憶民國六年。衡州一役。吳氏固亦以和平旗幟。反抗段氏之武力政策。斯時吳亦以一師長而通電主和。段氏即因之而下野。吳氏亦由是而蟠躍。以至於今。向使當日能一反所爲。方戒前轍。吳氏覆亡。何至如今日之速。乃尤而效之。窮兵黷武。變本加厲。搜括民財。盡充軍需。中央涓滴。勒索殆空。竭人民之脂膏。作殺人之一器。遂使西南半壁。幾無完土。東南東北。禍起旋踵。人民財產。蕩析流離。迄今過瀏河黃渡者。但見一片焦土。滿目蒼涼。白骨衰草。冷對斜陽而已。嗚呼。一夫逞慾。萬姓飲血。武力主義之流毒。一至於此。反顧吳氏向託和平之美名。以反抗其前人者。不能實踐和平之義。卒致後人即以治其人之道。還治其身。禍亂循環。報應不爽。吳氏自反。當亦無尤。然亦足以爲擁

外大勢之所趨。遠鑒歷來所以失敗之緣由。幡然覺悟。變更固有之觀念。轉而與國民共相合作。國事前途。庶乎有爲。否則國民所期望之革新。固無由而實現。將來之善後會議。國民會議。亦必毫無成就。國內形勢。或且重陷入混亂。此尤今日軍人所應迅自憬悟者也。

抑自恣好亂犯上者戒矣。

雖然。吳氏非敗於通電主和之日。而敗於窮兵恣慾之時。吳氏今日所遭之失敗。非一黨一派之實力所能致。而乃人民公意世界公理。所施之報應。今後之當局者。尤當哀矜勿喜。力矯前車之失。泯黨派之私見。示天下以至公。庶幾國家變亂。即以此次爲結梢。若貪公理之報應。而爲私憤之報復。則今日所下之種子。將來必將一一刈穫其結果。國家命運。仍難拯拔於螺旋式之浩劫圈中。而我小民此次所受之犧牲。爲毫無代價矣。

## 凝冰廬諸乘冷

A 先生在家裏。接到 B 先生的一封信。原來 B 先生要問 A 先生借他房裏擺設的衣櫥和着衣鏡。A 先生覺得很奇怪。便打電話給 B 先生道。『你要借東西。我不是不肯。不過這兩樣東西都是日用所需。怎麼能借給你呢？』B 先生道。『我問你借東西原是顧全你。因爲你和尊夫人吵架的時候。一來就摔東西。與其摔壞了。還不如借給了我的好。』



# 委員制問題

(上)

國家每遇一度改革。國人必有一種高調。無論其能否見於事實。而要為自由思想之沃發。民氣蓬勃之表現。況乎所謂委員制者。原為今日最新政制之一種。特其所以成為問題者。乃在是否適合於今日中國之現狀耳。

委員制權輿於瑞士。濫觴於蘇俄。而兩者又各有其異同。國中之主張委員制者。莫不規範於此。試略述其梗概。

瑞士行政委員會。共有委員七人。為聯邦議會（分上下兩院）所選舉。各領一行政部。任期三年。但遇下院解散時。委員會亦必改選。三權分立之制。並不嚴格遵行於瑞士。委員會之權限。從其對於司法而言。甚大。往往可以侵涉聯邦法院之權域。從其對於立法而言。則甚微。其行政計劃。常受議會之修正與否決。而議會之所議定者。委員會不得拒絕之。每年委員會須將其行政設施。報告於議會。議會從而討論可否之。此似與責任內閣相近。然委員會政策否決時。並不須引責辭職。因委員會並無對於議會負責之意義。其國政界有恆言。行政方面之政策。僅等於顧問或律師之條陳。顧問與律師。並不須因其條陳之不用。而引咎去職也。因其含有韌性之故。委員任期雖僅三年。而得連舉累任。有至終身在位者。結果委員會中。常得包舉國內之元老賢俊。富於政治經驗之人。而其所以致此者。亦因委員會不雜黨派關係。雖為議會所選舉。而與議會之多數黨無涉。委員會份子。並非代表任何黨派。亦非任何黨派所能壟斷。意見之發表。完全自由。不受束縛。常有同一問題。而兩委員在議會中互相辨

四

天生

難者。惟其廓然大公。超脫黨派之外。故能不受黨派之牽累。而長於其位。否則以瑞士黨派之複雜。各州民情之不同。利害之迥異。決無有能代表一黨一派而久執政權者。是故瑞士制度所以異於歐美各國立憲政治者。不僅在於總統制與委員制之區別。而尤在各國嚴行三權分立。瑞士則舉行政立法。盡以屬諸議會。而由議會選舉委員會。以執行行政之事務。而此委員會者。事事仰息於議會。不啻為議會之授權機關。代議會以處置一切政務而已。故論者謂委員制為行政立法之合一者。即以此也。

蘇俄制度。則置全國之最高權力於兩種機關。一為全俄蘇維埃聯邦會議。一為聯邦中央執行委員會。全俄蘇維埃聯邦會議由全俄之各市蘇維埃代表者。及各縣蘇維埃代表者組織之。其選出之比例。在市蘇維埃大會凡有選舉權者。每二萬五千人得選出一人。在縣蘇維埃大會。每住民十二萬五千人得選出一人。為代表。代表總數計共二千二百十五名。聯邦中央執行委員會。由聯邦會議選出三百七十一名之委員組織之。聯邦會議實含有職業代表之國民大會之性質。而絕非立憲國議會之倫比。擬之瑞士。則與國民總投票制度相彷彿。特因瑞士地小民聚。得行直接總投票。俄則地廣人眾。不便於直接總投票之施行。故用間接表決之蘇維埃會議以代替之。所異者。瑞士之國民總投票。舉行無定期。其所表決之事項為根本大法。及普通法律。蘇俄聯邦會議則每年例會一次。凡一般行政立法均須由中央執行委員會詳細報告。聽候議決。兩種制度。縱其直接間接有異。而均含全民聽政之用意。則盡同也。至於蘇俄之聯邦中央執行委員會。其所居地位。與立憲各國之所謂議會者相同。其



會員人數約三百七十餘名。與立憲國之所謂議會之人數亦相埒。特立憲國議會之權能。僅及立法一項。蘇俄之聯邦中央執行委員會。則總攬立法行政司法三大權於一身。故彼於行使立法權以外。對於行政則特

設聯邦人民委員會為執行行政務機關。對於司法。則附設最高法院。以行使聯邦之最高司法監督權。其人民委員會。實等於立憲各國之狹義的政府（即內閣）之地位。共分十部。由中央執行委員會所選之人民委員十人分領之。中央執行委員會為選議長副議長。同於立憲國之內閣總理副總理。然其實際。不僅與立憲國之政府地位不相侔。即與瑞士之行政委員會亦迥異。蓋立憲各國。三權並立。行政立法司法。同在水平線上。即瑞士之行政委員會。雖事仰息於國會。而其地位。則尚與議會立於同等之階級。若夫蘇俄。則人民委員會為中央執行委員會之一種附設機關。猶之各國議會中設立各種委員會。然其地位已不在水平線上。而在垂直線上矣。

就全俄統治機關之相互關係而言。蘇維聯邦會議與聯邦中央執行委員會為最高機關。人民委員會與最高法院為次席機關。聯邦會議為全

### （五）顧回之爭戰北東



民之代表機關。中央執行委員會為聯邦會議之代表機關。全俄之最高權力。本屬諸全民。全民不能用。故屬諸聯邦會議。聯邦會議人衆不便於用。故屬諸中央執行委員會。是以蘇俄憲法明白規定曰。蘇俄之最高權力。在於全俄蘇維埃聯邦會議。又曰。聯邦會議閉會時。以中央執行委員會為最高機關。又曰。中央執行委員會為全俄立法行政及管理之最高機關。一切

### 京奉司令車中之吳佩孚

最高權力。既總萃於中央執行委員會之一身。勢不得不分股治理。人民委員者。乃其分任執行行政務之一股耳。故中央執行委員會為聯邦會議之全權代表機關。人民委員會則又為中央執行委員會之部份（執行行政務部份）委託機關。是以其憲法又明白規定曰。中央執行委員會向聯邦會議負責。人民委員會向中央執行委員會負責。由上兩種委員制言之。瑞士制度。僅有立法行政合一之傾向。蘇俄制度。則為三權混一之大實現。瑞士制度去立憲各國之制尚近。故其更張少。蘇俄則相去甚遠。故其改革繁。向者廣州之總裁制。近乎前者。而今日國人所呼號之委員制。則傾於後者也。

（下）



今試討論我國今日應否採用委員制之問題。國中議論是非紛繁。茲先揭明簡單之論旨如下。

(一) 委員制與總統制並非絕對相反。

(二) 採用委員制於中國並不足以解決中國今日之糾紛。

(三) 中國今日採用委員制極不相宜。

試釋論之。

(一) 何謂委員制與總統制並非絕對相反也。蓋委員制與總統制同為實現民主主義方法之一。在人類政治之進程上其趨向同為前進而非背馳。其運用之方式縱略殊異而均含有同一之效用。祇有程度上比較之差異而內容上決無絕對之分別。例如瑞士國民總投票似為委員制之特色。能使人民直接聽政而為實現民主主義之最良方法矣。然瑞士因有其歷史上地理上特殊之原因。蘇俄猶且不能仿行。而僅以蘇維埃聯邦會議代替之。蘇維埃聯邦會議者。仍為人民選舉之代表。使對於國事行使主人之職責。而並非全俄人民直接聽政也。則與立憲各國之以國會代表民意。又何以異。所異者蘇維埃聯邦會議共有代表數千人。立憲國之國會祇有議員數百人。意者人數愈步。其能代表人民之真意也必愈普遍。而不易為少數人所操縱乎。夫以數千人與數百人之比較。亦何遠於五十步與一百步之



差別。此豈非僅有程度上之比較。而非內容上有何絕對之分別乎。立憲國家政府與國會政見（無論行政或立法）衝突時。往往解散國會。另行選舉。以覘新民意之趨向。此即直接訴諸國民。付以最終判決權。而與瑞士之國民總投票同一用意者也。夫集數百千萬之人民而使之決政。事實上不容其自由發揮已見。而僅能使對於提出之議案。為可否之表示。則與人民新選之代表對於政府之政策。表示贊否。亦有何別。所不同者一為直接。一為間接。此又豈非僅有程度上差異之一徵乎。

象。龐然大物也。人不識其全體。而就所見之一部分猜測之。或以為繩。以為樹。以為屋。以為蛇。以為槍。以為扇。是非象能為種種之物。實見者之祇窺一斑。而未覩全體也。今之論國政者。異說紛紜。莫衷一是。其情況類此矣。

更之。其權力之偉。又豈讓於瑞士之國會。蘇俄之中央執行委員會也哉。可見三權分立之陳說。在近世立憲國家。亦已不嚴格遵行。與委員制立法行政混一之精神相比較。亦至多可稱其為有程度上之差別而已。委員制與總統制尚有一顯著之區別。即一為合議制。一為獨裁制是也。

行政與立法之混一。似為委員制之特色矣。然在立憲國家。亦已有此傾向。如責任內閣必須為國會大多數黨之領袖。其受任也。必得國會之通過。其卸職也。則因失國會之信任。一切行政。直接向國會負責。國家預算須受國會之修改。國會議決。有束縛政府之效力。如英國之議會制度。其徵象尤顯。英國公法大家戴雪氏有言曰。英國議會除變男為女。變女為男外。無不可依其意思變



在贊美委員制者曰。政治平等。無取首領制度致養成一夫獨尊之地位。殊不知瑞士之行政委員會。有委員長。蘇俄之人民委員會有議長副議長。對外代表國家。對內統攝一切。其地位即與總統副總統無異。總統之名可廢。總統之實又何嘗能根本剷除。反之立憲國家。行責任內閣制者。雖有總統。或爲君主。亦不過戶位素餐。端拱畫諾。徒擁尊稱。毫無實權。如法之總統。英之君主。莫不皆然。其國家大政。悉以委之內閣。則謂立憲各國之內閣。即係採用瑞士蘇俄之委員制。亦何不可。抑英法等國之君主或總統。在政治上之勢力。猶遠不如俄國人民委員會前議長列甫氏在俄國政治上關係之重要。則與其謂立憲各國採用首領制度。無謂謂俄國政治之依賴首領更甚也。或者謂立憲國家之元首。既係形存實亡。曷如廢去虛名。何必留此傀儡。徒糜國帑。此言是也。然謂廢去總統。可以爲立憲國家。每年節省數十萬之國帑。則可謂爲有關政治上重大得失之故。則不可也。

由上所言。可見委員制與總統制。無論其方式手段如何歧異。要皆公認主權在民之信條。同企民主主義之實現。特因立憲國家。當政權驟革之後。人民程度未臻健全。全民政治。不易建設。遂有代議制度之實現。既恐執政專橫。濫用威權。故付議會以監督之權力。又恐國會蔑職。不足代表民意。復爲政府保持獨立之地位。使互爲牽制。而互不相犯。一擒一縱。適得其衡。此三權分立說之立足點也。吾人循繹主權在民之趨旨。自當以全民聽政爲過。則而不能以現狀爲滿足。政府爲人民公僕。一當聽命於人民代表之機關。而不當並立於相對之地位。如瑞士行政委員會之於國會。如蘇俄人民委員會之於中央執行委員會。即含此意味。雖不能許爲理想中最終之制度。而在政治進程上。較之現制。確已爲進一步之設


施矣。然今日世界人民之程度。果有此進一步設施之需要否耶。視之蘇俄選舉情形。多數選民。尙未能了解選舉之意義。凌亂舞弊。較之各國。有過無不及。夫以智識未有充分預備之人民。而授以直接聽政之機會。猶之未能操刀。而使之割。其危險有萬倍於保姆政策者。則蘇俄制度縱不背於進化之程序。而發現於今日。要不能不謂其過早。乃國中談政制者。必曰含總統制改委員制。一若委員制有特殊之效能。爲總統制所萬不可冀及者。譬之春秋之際。責衣袷者以衣裘。曰裘更暖於袷也。庸詎知裘袷之厚薄雖異。禦寒之效用則同。在時景未至以前。裘縱暖於袷。而未必適於袷也。

(二)中國採用委員制。並不足以解決中國今日之糾紛也。今日國中主張委員制者。一半爲喜新厭舊。見異思遷之心理所鼓動。一半誤信委員制爲針對中國時弊之良藥。足以解決目前之糾紛。其意以謂中國黨派複雜。賢豪並起。總統一席。不敷分配。必也擴一席爲數席。或十數席。庶足以羅英雄於彀中。治各派於一爐。長治久安。乃可以期。此種分贓式之解決方法。殊未足爲澈底之謀。何則。委員會中。猶有委員長。苟使由今之道而不變。今日競總統。異日即可競委員長。委員額數有限。而黨派之生無窮。將來以不得在委員會中佔一席。而向隅抱怨者。與今日不得在政府中分一樹。而心懷不平者。必盡同。且世界各國。亦決無祇有政府黨而無在野黨。若因有在野黨。即不免全國流血之慘劇。數年一見。此亦中國之特狀。不知考求此種特狀原因之所在。而施以救濟。徒欲擴充政府之地盤。至於無量數。爲盡納在野黨。則勢必至全國皆官而後可。此其爲計。亦至拙劣。要知中國紛亂特狀之原因何在。曰兵。兵隊不裁。國家政治永不得上軌道。戰亂攻伐。即永不得甯息。在總統制之下。固在所必爭。



在委員制之下。亦勢難戢制。苟能裁汰軍隊。純任民治。則人才消納之方。正自多端。各國均以議會為各黨派人才薈萃之地。競爭政治。儘有軌道可尋。不必訴之武力。斯時行委員制也可。行總統制也可。環顧世界各國。有總統。亦有君主。而均不見有如中國之亂象。可見國家理亂。不繫於總統之存用。而欲消弭中國之混爭。決不在總統制與委員制間求之也。或又謂採廢職業代表制。可以廓清政治。游民之積弊。而一洗中國國會之污蹟。殊不知職業代表制。與委員制原無相聯之關係。即在總統制下。亦未始不可行。祇須將國會選舉法一行修改之勞耳。所難者。即在人民程度。已曾充分發達。足以適用此制否也。以中國今日之現象。農工商中。求其能讀能書者。百不得一。求其能備有政治法律智識者。千萬中不得一。於此類中取代表。恐將來之國會議員。不與舉筆作書者。必居其大半。而結果之壞。必更倍於今日。反之。人民智識充分。縱不採用職業制。各業之勢力。自必滲入於國會。在英國御座之前。工黨內閣。且已有一度之試驗。可見根本上改善。任何方式。均著成效。根本上不善。任何制度。無往不糟。職業制。又豈足以救中國國會之偏失哉。

(六) 顧回之爭戰北東



奉飛機在山海關擲彈

也。人民而知識充分。足以運用此政權也。則自合於全民政治之原理。人民而知識不備。不足運用此政權也。則危險之狀。不堪想像。此在人民程度極端幼稚之今日之中國。尤為絕對不宜嘗試者也。而吾人反對委員制之最大理由。尤在吾人明悉中國今日之病根。不在於法。而在於人。苟使我國法制。有一日之長。即不應舍人的問題而不談。而斤斤惟法的問題是苛求。何況我國今日之法。即今日英美各國行之而國阜民泰。能與

(三) 中國今日採用委員制極不相宜也。抑委員制不特不足解決中國今日之糾紛。尙有其特別不相宜之原因在。委員制之精神。寄於行政與立法之合一。而行政與立法之合一。尤在置重心於人民之代表機關。換言之。即將國家政權。自少數執政者之手。而移於多數人民代表之手。

而乃國中之改革者。已不耐此短期之挫折。必欲一蹴而登康衢。復不屑於英美各國之溫情政治。而妄託於烏託大同之幻境。另易新制。勢必更歷十年二十年。以至於數十年。猶未必一睹其成效。甚至更易一新制。以代替焉。不特盡舉已往十數年所受之犧牲。全付虛擲。而凋喪殆盡之國家元氣。亦決不堪長任播弄。此尤吾人所以堅決反對根本改制者也。

人民以最大幸福之法也。我國今日不必高談妄想。烏託邦極樂國諸夢境。苟有能以英美各國人民之幸福與和平。降祝吾民者。吾民即馨香祈禱之不暇。而復何奢望。果如是也。則今日國人惟當在現時法制之下。努力求實質之改進。與人物之良化。以期盡量利用其優點。暢發其效能。大凡採用一種新制度。必經若干時期之擾攘與不安。歷若干量數之痛苦與犧牲。國民社會始能相習。徐上軌道。而後此制度之效用。漸次呈顯。世界各國莫不經此過程。我國改制十有三年。飽嘗憂患。此正變革後所必經之階級也。或者再歷若干年。否極泰來。苦盡甘回。以後之歲月。盡是康泰之境界。



總之。吾人是認委員制爲一種進化之政制。然實行之前。必須人民知識有充分之預備。若人民知識充分。行委員制。固足益展所長。行總統制亦可盡用其能。若人民知識不足。行總統制。固已不見其利。行委員制。尤屬


險象環生。以今日世界人民之程度言。實行委員制。尙不無過早之嫌。以中國人民之程度言。則尤覺其遑乎太遠也。

## 德國大學生生活之今昔

子寬

德國大學生生活。在昔最爲舒適。在他國大學中。時有貧寒子弟。須賴課餘教讀或半讀半工。謀繼膏火。而德則絕未有此現象。是故歐美學生多稱羨之。顧自歐戰而後。德國國家及人民之經濟。幾於無處不受打擊。而大學生之生活環境。亦爲之大變。在校之學生。爲生活所困。中途輟學。勉圖贍家餬口者。既數見不鮮。而境遇不佳。不得已於學校之外。別操生業。俾獲微資。克終學業者。亦比比皆是。自停戰以來。迄今五年。其間大學生之奮鬥求學情形。有足資紀述者。

(九) 顧回之爭戰北東



軍奉之站車津天

戰後之第一年。從軍之大學學生。多歸自疆場。重理故業。其中最先感受經濟苦痛者。厥爲德來斯敦大學學生。Dresden University 其中有一部學生。以生活困苦。求學維艱。乃謀所以救濟之道。於是創設學生經濟合作社。以經商之手段。求學資之自給。其方法爲醱集羣力。不假手於外人。自理衣食住各項之供給。一方減輕生活上之負擔。一方增加經濟上之收入。自該大學創此辦法後。各大學學生相繼效。今日各大學及專門學校中。幾莫不均有此種組織。各經濟合作社組織之始。大都先辦學生餐館。以最低之價值。

之。合作社之物品賣買。與夫對學校金融機關及工會有所接洽。亦由此董事會爲之。此外社內復設有學生銀行。經理貸款。凡參與之學生。每年儲蓄微資若干。德國學制。大學最後之一學年。學業最重。幾不許學生復有課外作業之機會。故學生銀行。斯時即可以利用行內儲金及他方之投資。貸款於將畢業之同學。俾於此時得專心學業。不使同時再受謀生之苦痛焉。現在綜計由此合作社所建之事業。有可容學生五萬至六萬




人食宿之館舍。有為數萬學生謀工作之介紹所若干。有日贏十萬馬克之合作消費售品所。此外尚有各式小工廠病院以及租閱書籍之圖書館等。凡此皆學生自謀苦讀之自助機關也。

上述之合作組合。其效雖著。然要不能盡人皆受其益。如去年以經濟界變動之劇烈。經濟合作社。費盡經營。而其結果。亦僅得勉強自行維持。學生多人仍不免於窘迫。去年德國大學學生人數。

銳減計一千九百二十一年大學學生約十一萬人。至去年乃減為男生七萬六千人。女生八千七百。百人。本年復行下落。如柏林大學此一年之中由二萬二千人減至一萬七千人。即因是年一二兩月房租車費均驟增一倍。欲覓短時間工作。更覺困難。學生力不堪此。且以大學學生位幾無價值可言。其貧甚者。乃自不得不出於停學之一途。在此種情形之下。學生要不能悉恃經濟合作社。而應別謀挹注之道。故當假期。所謂學生工人。每羣赴煤礦執工。或赴森林伐木。或至農作。充短期忙工。而各工廠亦幾不有學生踪跡。一千九百二十二年之夏。大學學生百分之四十二。專門學校學生百分之六十二。礦業學校學生百分之八十八。皆係學生工人。數達四萬七千人。其前一年則學生十一萬人中。傭工以求生活及教育者亦占三萬六千人。至一九二三年。雖大學學生人數驟減至八萬四千六百人。而是年夏季在各工廠礦區農田工作者乃至七萬人之多。至於學生假期中未得充分之金額者。更須於在校時求短時

(八) 顧回之爭戰北東



天津郭莊子焚燬之子彈車

期工作。以謀補助焉。在近年之中。尚有赤貧之學生。或借八簷下。或僅賃得卑黯無光之斗室。聊避風雨。入夜既無燈燭。隆冬更乏爐火。多羣集於車站之待車室。或稽留於學校之閱書間。偷光取暖。藉資研讀。其處境更為困苦。在平常之學生寄宿舍。固有燈火炭爐之設備。然區區賃資已非此輩力所能勝任。一

千九百二十三年十一月。德國幣價略得穩定。本年四月某統計家乃得以馬克為標準。核計每一學生所需之費用。據其從嚴估計。每日兩餐月需二十五馬克。房屋燈火。月二十二馬克。書籍學費二十馬克。洗濯零星用費數馬克。共計每月非七十五至八十馬克不可。(以上皆金馬克。約合華幣四十元)而車費添置衣物費。皆不在內。此項負擔於中人已不為輕。何況貧寒子弟。故往返走讀。多數學生多徒步來去。至於衣衫。則終年着一燕尾服。寒暑無更者。尤觸處皆是也。學生在此窘迫狀況之下。衣食住三者。當然無一可望舒適。身體衛生。自亦不能盡意講求。現在學生體重。較諸美國中人。平均減少九磅。足徵其辛苦之一班。吾人於此可知德國學生近年之對於教育。可謂確犧牲極大之代價以求之。惟是其求學之所得。較諸昔日。亦有足多者。可酬苦讀之勞。何則。學生於學業之外。更獲有種種之處世經驗是也。昔日之學校教育。常偏重於智識之灌輸。而缺乏謀生之訓練。而經此苦讀之學生。一方面固在學校讀書。而一方面亦在社會實習。智識



經驗。兼收並蓄。學成而後。一洗從前學生飛揚傲慢之氣概。其人格能力。自一切超越於尋常學生之上。再則在從前大學中。學生常分派樹黨。各恃異見。以敵抗爲能。此種惡習。養成之後。於社會影響極偉。但在今日因受經濟之窘迫。生合作之覺悟。經濟合作社既試其端。而人類合作之精神。亦可由此養成。此外更有重於此者。則泯除階級觀念是也。今日德國學生在經濟窘迫之下。凡體力所勝任之工事。莫不樂於爲之。因是對於各種職業貴賤之觀念。皆剷除無遺。但知凡以智識及體力以自給者。皆

彌可珍貴。因視一切職業平等。遂覺一切人類。皆莫不平等。而向之階級觀念。於此自復有存在之餘地矣。德國大學學生生活之變遷。其將來之效果。重要遠過於其事實之本身。蓋今日之大學生。卽爲將來智識界之前驅。經此生活變遷。而思想上之變化而後。平等合作之觀念發展。則非但德國共和制之基礎將益形鞏固。其社會現在各派。且發現終必歸於調和之新機。階級戰爭之禍。可無形而免。國家獲益。當非淺鮮也。

## 美國對未來戰事之新預備計畫

Samuel Taylor Moore 著  
魯公譯

大戰之際。兵隊之徵集。遠易於軍需之供給。訓練赴戰之士兵。其緩速之程度。亦復遠過於戰具之設備。美國陸軍次長台維斯氏(Dwight E. Davis)最近亦曾言「於旬日之間。組織良好訓練之百萬軍隊。易。來福槍之供給難。」因此等軍械。非在數月前預備。每不能得充分之供給。是故戰爭之前。貴有預備之時間。否則驅供給不良之軍隊於戰場。何異於自殺。除此而外。關於工業方面對海陸軍需之預備。亦關重要。美國於今年六月四日修正之國防案。於陸軍部之內部組織。加以變更。定陸軍次長專負軍需供給之全責。台維斯氏鑒於軍需事務複雜。有特別訓練之必要。更設立陸軍軍工高等學校。授以戰時搜集軍需及工業機關供給軍需之智識。養成此種軍官之人才。同時與國內各工業家間。則擬訂立契約形式。分配緊急時需要物品之供給。此新預備計畫之前提。在整理產品。庶軍隊於下動員令之後。得有迅速而繼續之供給。其次爲使社會必需品之生產。不致因戰事而受過量之影響。如是動員令雖頒布。亦不至擾及社會矣。

此計畫之根據。當由於拿破崙之供給完備者。天助之之成語而來。但可轉一語而曰。擾民最少者天助之。蓋軍隊苟能協助人民而不擾。則人民自願以軍需物品送諸市場。工廠主人亦願改製軍用物品。戰事一經開始。舉凡工廠森林田野礦山所產之物。均可陸續輸送於軍需儲庫。顧戰時之社會情狀。終不免因是而呈異狀。如乘戰事牟利者之勃興。人民之死亡。公共財產之消耗。皆爲必然之事實。迨形勢既至緊張之際。戰爭與和平。已非能任意抉擇。惟有戰爭時期長短之分。勝負期其早日決定而已。夫軍隊作戰之責。猶政治家之負有維持和平任務。政治家運用失敗軍隊乃起而膺戰之任務。故軍隊之預備計畫。要非虛妄之議。實根據于歷來之經驗。工業動員既下之後。國內原料及製造品。皆受監督。以六十至百名之官員任其事。此等官員皆係指派美國工業界之領袖充任。其中十四名之常任官員。則送入陸軍軍工高等學校。受特別之訓練。俾曉然於如何下工業動員令。與謀公眾之幸福。戰時因費用浩繁之故。現款多被吸收。生活程度。因是增高。工資由是增



加勞工困難問題。由是倍增。工廠因原料遲緩。恆受重大損失。生產品不免減少。昔之多者。至是轉成爲少。故此時益不能不賴此新計畫。根據于往時與製造家訂立之分配契約。量爲處置。俾軍隊有充分之供給。社會亦不至變其影響。顧此計畫。有仍感受困難者。如軍隊出發。數十萬人之皮鞋。供給即非易事。當大戰之始。美國政府與國內各鞋商店。訂立供軍

用皮鞋之契約。備必要時之需用。惟未計及利便

之方。亦未計及何廠能出貨若干。其實不能僅憑

當時之臆想。軍隊並應瞭然各廠于不妨及製造

平常鞋之限度內。能製軍用鞋若干。事前并應支

配各廠。宣戰而後。該約隨即發生效力。爲保存一

般社會之供給起見。各廠無須專製造軍用鞋。儘

可留其一部。作商用之產品。顧至因原料不足。而

至所製軍用鞋。發生遲滯之情形時。政府仍須出

而保護。大戰之際。各廠因紛赴市場購買製軍用

鞋之皮革。皮革市價。突然增漲。於是政府乃不能

不採戰時管理之手段。軍隊應知掌握中有皮革

若干。國內可得若干。墨西哥加拿大兩處。可得若

干。從海外復可得若干。各廠主亦應知軍隊所需軍用鞋之約數。早爲製

備。

# 東北戰爭之回顧



馮軍運送軍用品之駝駱

得搬用。蓋此計畫固注重在事前之預備也。關於管理問題。亦有可得而  
言者。在事實上約分資本勞工運輸三種。擬設一種類似戰時財政處之  
機關管理之。專以避免銀行制度。受其影響。政府之監督生產品消耗。與  
市場物價。皆爲對乘戰爭牟利者之一種自衛。關於此問題。台維斯氏亦  
發表其堅強之意見。謂『戰事部正極注意管理乘戰爭牟利者之方法。

蓋此輩於其國人爲國犧牲其生命健康之際。而

有牟利之行爲。實法所不容。此項旨趣。係國家將

來一定之政策』云云。民主共和兩黨關於政府

在戰時集資之點。俱有明白之表示。民主黨之言

云。『戰爭之際。國內人力既集而共謀應付。其他

各種財源。亦應同樣搜集』云云。共和黨之言云。

『吾人深信國家當戰爭之際。不但應集國民之

力以防衛。且應集各種之財源。以助其成功。美國

今後如再遇有須用兵力自衛之時。應授權總統

搜集全國之財源。並確定戰爭或私人需用物品

之價格』云云。由此觀察。管理資財。理論上非難

而實際上或不甚易。但吾人將來遇有機會時。必

爲一度之試驗。美國軍人會現已請求聯邦議會通過關於該問題所必

需之法律。下屆聯邦議會。並將重行提出。

勞工之處置。通常至爲不易。在無論何種立法之下。皆不能無爭端。一般

人之意見。與歷來之法律。所施以勞工之壓迫。亦幾以外人目之。惟裁判

勞工爭執之機關。實已感有大加改良之必要。此項新預備計畫之擬議。

則以美國勞工皆屬愛國。且信其爲維持其生活之故。當能忍受相當之

此新預備計畫之要點。共有三項。一曰人力。二曰軍需。三曰時間。大戰之  
際。時間一項。不甚深知。現據陸軍軍工家之考察。各項軍需品之製造。互  
有異殊。計軍用鞋需一月。軍衣需兩月。機關炮彈藥需三月。其原來存儲  
之軍需品等。通常皆維持其固有之單位。待各廠能照契約交貨之時。方



管轄從事生產事業。工資之爭執亦不至時常發生。又以工資苟不被資本家剋扣。其工作必能盡力爲之。故在戰時勞工之管理。亦至關重要也。運輸問題亦須受政府之監督。如關於鐵路車輛水路道路等皆屬之。政府於工業動員令頒佈後。特於軍隊中分七支部管理之。(一)軍需部掌衣服糧食房屋運送軍隊及牲口。(二)軍械部掌供給來福槍手槍砲炸彈及彈藥等。(三)遞信部掌各方往來之交通設置電話電報無線電寫真及氣象觀察之器具等。(四)工程部掌各種建築計畫供給水量搭建營寨建築鐵路汽車路及橋梁等。(五)航空部掌供給飛機氣球及其他設備。(六)醫藥部供給醫院所需之藥品器具。如關於外科齒科獸醫科等之器具及麻醉藥化學藥品等。(七)戰事化學部掌供給瓦斯及防禦瓦斯之器具并預備市民防禦瓦斯之面具。此七部皆各司其事。不相侵越。

戰時子彈之供給亦爲最困難之問題。戰事一發政府兵工廠雖日夜趕造亦仍虞不及。各廠大抵祇能供給平時有限之需要。戰時巨額之軍隊自爲能力所不及。故歐戰緊急之際。數千工廠皆爲政府改作兵工廠。現時軍械部有更改軍器之議。惟不易實現。據一般人之觀察。軍器在十年以內不至有何變更。美政府業派遣專家會同陸軍軍工廠解決此問題。上述七部之中。尚有一事亦同呈困難者。則爲航空部。飛行事務與其他軍械供給又自不同。飛機不能在各廠分造。并需特種技術之工人。兩年以前。即有飛機工業將見消滅之警告。陸軍部亦宣稱航空軍力應認爲與海陸軍之國防計畫同樣重要。陸軍軍工廠人員亦答稱吾人于飛機之製造應益求其便利。但至今尚未見採何製造飛機之計畫也。

## 凝冰廬諧乘

冷心

「兒是個聰明伶俐的小孩，看見他哥哥回來，歡喜得跳了起來道：『哥哥，你不是出去了兩個月了嗎？今天居然回來了。』」他哥哥問道：『你的嫂嫂呢？』」慧兒道：『嫂嫂出去買東西了。』他哥問道：『我出去之後，家裏怎麼樣？』慧兒道：『還不是和從前一樣嗎？不過嫂嫂到了每天黃昏，便要等候一個人。那人如果來，嫂嫂便高興得了不得。那人要不來，嫂嫂有時候還許哭咧。』他哥哥聽了這話，氣得坐在椅子上發愣，拉着慧兒道：『究竟是誰？你告訴我！』慧兒道：『這人說起來你也知道的。』他哥哥縐着眉頭道：『我不認識呀，到底是誰？』慧兒笑道：『我告訴你吧，嫂嫂等的那个人，就是郵差！』



# 國內外一週大事記

由十二月二十日至二十六日

(公展)

## (一) 國外之部

▲禁烟會議。日內瓦國際聯盟之禁烟會議。本分二種會議。第一會議討論吸烟問題者。因英日兩國對於鴉片進口執照之見解不同。陷於停頓者幾及一旬。二十四日雖重行集議。而英日印代表大都重申前說。乃暫停會議。俾英日代表得以密商解決。閱兩小時後。會場宣布英日代表在大綱上已有同意。但條文詞句尚未議定。

遂展至下星期再開會議。此後當可望其妥洽。第二會議討論麻醉品問題者。十八日繼續開會。波斯代表謂波斯之鴉片最初來自印度。波斯政府準備依照海牙公約第三條辦理。但須大會及國際聯盟會襄助波斯。以辦理限制鴉片貿易及鴉片利用之困難事件。日代表稱渠願會議成功。第二會議之進行原則當與第一會議同。以人道公共健康與公道為原則。經十九二十兩日之會議。普通討論已告終了。似有陷於停頓之勢。因美國建議不為某某數國所贊同故也。二十一日討論八小時後。草定一種辦法。二十二日晨提交全體大會。主張組織正委員會。二專考慮限制鴉片藥品製造及限制出口原料出產之計畫。並考慮修正海牙鴉片公約之方略。又主張組織股員會六。內有一股以醫學配藥學及統計學專家組成之。專考慮國際聯盟會衛生委員會關於治病藥品需要之報告。全體會議討論後。英印代表均發誓議之言論。會衆以三十一



爾魯柴相首之職辭及埃

票對一票通過上述辦法。中國則保留投票權。美國與烏魯主亦皆未投票。美國所以不投票者。因大會未予以可考量美國建議之擔保也。波蘭代表提議加入股員會之代表人數。銷費國與出產國宜彼此平等。以期易得諒解。此議為會衆通過。又西班牙代表提議將私人慈善團體之演講詞宜分送各國代表。亦通過云。

▲英埃交涉。埃及首相柴魯爾十五日宣布辭職。民情則擁戴柴氏。十六日晚。柴氏進見國王。願撤回辭呈。衆始欣悅。一場風波。方幸不作。詎知十九日駐埃英軍總司令史台克少將。在埃京開羅忽以被刺聞。身中三槍。傷勢頗重。延至二十日晚而逝世。史氏之被刺。當然為埃及仇英主義之徵象。埃及政府及柴首相竭力表示歉意。并令國人助緝兇犯。嫌疑犯聞已共獲二十餘人。大約為蘇丹裁革之人。聞所拘者內有一少年。疑係幫兇。英國方面。輿論激昂。不獨要求嚴懲兇手。且主張英國應有積極行動。以恢復埃及及人民對於英國之尊重。且指埃及政府國會皆在道德上負此暗殺之責。尤以柴魯爾為甚。在史少將逝世以前。英內閣已開緊要會議。討論因史少將遇刺後而起之時局。會商兩小時。考慮埃及統監愛蘭璧子爵之報告。及向埃及政府抗議之性質。倫敦政界以為對於此種布置周備顯然無疑之暴行。應有



一種不以口頭抗議及懲辦凶犯爲限之舉動。故英當局之將採強硬計畫。乃預定之局。果也。二十一日英皇電致埃及統監愛倫璧子爵。表示對於史台克少將遇害震悼悲憤之意。埃及英軍總司令本兼蘇丹總監之職。今此兩職已分別任人。二十二日駐埃英國統監愛倫璧子爵。往見埃相柴魯爾。面遞英牒。首稱此次暗殺。乃埃及與蘇丹境宣傳反對英國權利仇視英人之天然結果。此種仇視的宣傳。既未爲埃政府所阻遏。且爲與埃政府有密切關係之機關所鼓吹。前首相麥克唐納爾曾以不停止此種宣傳之惡果警告埃及。今後政府竟使英軍總司令喪於暗殺家之手。則已證明其不能或不願保護外人生命云云。其不滿意於埃人之排英溢於言表。英牒要求條件如下。

- (一)適當之謝罪。
- (二)賠償英金五十萬磅。
- (三)禁止政治示威行動。
- (四)撤退蘇丹之埃及兵士。
- (五)蘇丹軍隊歸蘇丹政府管轄。
- (六)英國保留修正英軍官退役條件之權。
- (七)司法與財政英顧問員留職。
- (八)英政府有保護埃及境內外人利益之絕對權利。埃及政府須停止關於此事之種種反對。以上要求限二十四時內答復。牒文又要求積極查辦暗殺案。嚴懲兇犯。不許因人姑息。牒文末段稱。如埃及不立即依允英國要求。則英政府將採施相當行爲。以期保障其在埃及與蘇丹之利益。英牒態度之強硬。可見一斑。是日午後。國會停議十分鐘。藉以表示對於英軍總司令遇害悼惜之同情。埃相柴魯爾謁埃王後。往國會開秘密會。聲明英國要求。可承認若干條。國會一致贊助埃相所擬採之態度。即承認與暗殺案有關之條件。如道



歉給卹。緝兇治罪四條。其餘要求概行拒絕。二十三日覆文送達統監府。措詞委婉。承認道歉懲兇。給卹五十萬磅。並允防止示威行動之擾亂和平。惟關於蘇丹之要求。則謂此種要求。既可使現狀破壞。且與憲法抵觸。擴張奇齊拉水利計之要求。時機尚未成熟。至於外國官吏之地位。則有外交協定書規定之。此種議定。苟未得國會同意。不能修改。埃政府對於外人向採行與獨立原則相適合之寬大政策。埃政府從未接到其他外國之批評云云。愛倫璧子爵接埃及覆文後。當即答覆。謂埃及既拒絕關於蘇丹之要求。英國現發訓令致蘇丹政府。諭其實施撤退蘇丹境內之埃及軍隊。並通知蘇丹政府。告以可自由無限制擴張植棉水利之區域。二十四日。埃政府已付恤款五十萬磅。附以公文一通。對英國所提(一)撤回蘇丹埃及軍。(二)保護埃及及外人利益之兩種要求。提出抗議。愛倫璧子爵又照會埃相。謂埃政府未承認英國全部要求。故英國採行第一步計劃。已訓令英軍佔領亞歷山大里亞稅關。當史少將被刺後。瑪爾太英兵

一大隊。奉命二十六日開赴埃及。直布羅陀英兵一大隊。亦定二十九日開赴埃及。二十四日。政府遣派軍艦鐵公號。由瑪爾太駛往亞歷山大里亞。馬來由號開往波賽。現泊希臘海面之輕巡艦加拉道克號及現泊波賽之驅逐艦兩艘。開往蘇彝士河。大戰艦邊波號。本定於十二月三日由亞歷山大里亞駛回瑪爾太。現亦奉命暫留。蓋英之對埃。已實施嚴重之壓迫矣。但亞歷山大里亞英兵出隊巡邏後。埃及學生仍有仇英示威行動。惟以全國言。迄今未有暴動。二十四日。埃王接受柴魯爾辭呈。召參議



院議長齊華氏入見。齊允組閣。新內閣頗有穩健色彩。首相齊華兼內務。担任外交者爲費嘉爾。此後埃及是否甘心屈服於英國鐵腕之下。則猶未可知。法報謂埃及事件甚爲嚴重。將引起世界回教徒之反應。或亦非過慮也。法外部對此表示意見。以爲法國因有一九〇四年關於摩洛哥與埃及之英法條約。故對於英埃之任何衝突。將嚴守中立。惟希望埃及雖非國際聯盟會員國。而英埃爭端可提交國際聯盟會公斷。從前維爾那爭端中所採之手續。今可採用。英國官場則反對此說。謂以現有之外交上了解而言。凡在英國所保留(一)蘇丹(二)蘇彝士河之保護(三)埃及之外人利益四埃及之防務等(四)事範圍內之事件。皆係英帝國內政之事件。故非國際聯盟會權限所及云。

▲俄國外交。俄國外交。近日最受打擊者。厥爲英俄草約之毀棄。英自保守黨組閣後。此舉固早在意料中也。本月二十一日。英外相張伯倫氏牒致俄使賴柯夫斯基氏。議英政府於熟慮之後。未能將八月八日簽字之條約。咨送國會考慮。或呈請國皇批准云云。此外又有一牒致俄使。言齊諾維夫函事。謂俄使會稱齊函偽造。以國際共產黨從未自稱國際第三共產黨。而齊諾維夫亦從未署名自稱爲國際共產黨執行委員會總理。而理由。俄使且稱齊函內容完全荒唐。俄使此言。顯僅就函中證據而作。並未精細取證於俄京。英政府不能接受之。因證諸官場出版物及蘇俄報紙。俄使之言不能成立。此事無須細論。據英政府所有之見聞。齊函之真確已無疑義。故英政府不準備討論此事。俄使如以爲茲任英外相僅交涉齊函一事。則俄使誤會前外交交涉之性質。英政府所責難之活動。不以此函爲限。但包括全部革命宣傳。齊函不過爲此種宣傳之一式耳。革命宣傳有時秘密爲之。有時公然爲之。適如俄使所言。齊

諾維夫傳布全球之宣言書。即爲第三國際勞工大會得蘇俄政府同意與依允繼續宣傳之明證。在英政府觀之。此種辦法殊與俄政府莊嚴允諾牴觸云云。外部牒文語調。爲一般英人所贊同。措詞直率。甚爲倫敦俄人所驚異。衆料俄人不必藉端破壞現有關係。且仍希望英俄通商關係可以成立也。法國會現討論對俄策。赫里歐稱。就政法與經濟點而言。承認蘇俄實屬要舉。但法國不欲因承認而放棄其權利。十九日赫里歐向衆議院外交委員會略述其考慮蘇俄政府承認問題之意見。謂俄國在亞洲及各領土各保護地之政策。法國必須加以密切之調查。而尚未決定應付之策。德俄兩政府之商約談判。已在莫斯科開始。停頓中之日俄會議。因最近兩全權間已預約會見。故會議決裂。並不迫在目前云。

▲裁兵草約。本月十八日。英政府請國際聯盟會秘書處。勿將保安與裁軍草約列入十二月八日在羅馬舉行之國際聯盟行政會議程。因英國須先商諸殖民地政府。然後始能辦理此事。每日電聞外交記者稱。英國之請求。爲一種外交好詞令。其意殆直以廢物視此約。英政府有此決議。無足爲異。蓋殖民地甚反對此約。雖極擁護國際聯盟會之人如葛雷子爵等。亦復不滿意於此約。目前舉動。殆含有恢復原有會章之意。將來或可籌議新手續。以便由海牙世界法庭公斷其所可受理之問題。但路透社探悉英政府此舉。並未含有廢棄此約之意。實因現距十二月八日爲時過短。不及與殖民地從容討論此重要事件故耳。

▲意國政局。意國當局所統屬之泛繫黨。前週傳有破裂之說。但羅馬衆院討論數日。其間雖有評擊政府政策之點。但二十二日卒以三百三十七票對十七票通過信任政府案。自由黨之態度。頗不一致。如前相喬里蒂氏及歐蘭杜氏。均竭力反對政府。而前相薩蘭特拉氏代表多數自




由黨則允贊助汎黨政府。當投票之前。墨索里尼氏宣稱。渠常力圖將黨務與政務分清界限。渠此後決將各問題提交國會。俾恢復憲政制度。

云云。意者泛黨政府之所以不倒。殆墨氏改變其專損政策之效歟。

## (二) 國內之部

### ▲北京政局

段祺瑞氏自被各方公推為臨時執政後。本定候孫中山到津晤商後。入京就職。嗣以長江形勢不穩。外交空氣惡化。大局急待收拾。因於二十二日先行入京。二十四日就臨時執政職。至段此次上台。政見如何。二十一日有馬電發表。主張在一月內召集各省區代表。開善後會議。解決時局糾紛。三月內召集國民代表會議。解決一切根本問題。並謂會議完成之日。即彼卸職之時。在段氏就職之前。攝閣已於二十一日議決辭職。二十三日發出通電。交卸職務。本擬用咨文移交政權。或用呈文向段辭職。但段氏以為臨時政府原屬創舉。此種因襲手續殊可不必。故僅由外部通告使團查照而已。段氏於二十四日就職後。即用明令公布臨時政府制六條如下。(第一條)中華民國臨時政府。以臨時執政總攬軍民政務。統率海陸軍。(第二條)臨時執政。對於外國。為中華民國之代表。(第三條)臨時政府設置國務員。贊襄臨時執政。處理國務。臨時政府之命令。及關於國務之文書。由國務員副署。(第四條)臨時執政。命國務員分長外交、內務、財政、陸軍、海軍、司法、教育、農商、交通各部。(第五條)臨時執政召集國務員。開國務會議。(第六條)本制自公布之日施行。俟正式政府成立。即行廢止。同時又下三令。(一)臨時政府。革新政制。與民更始。所有從前行政司法各令。除與臨時政府制抵觸或有明令廢止者。均仍其舊。(二)京外文武官吏。均仍舊供職。(三)德薄時艱。勉矢公誠。求孚民意。刷新政治。整飭紀綱。所望官吏人民。協力同心。共臻治理。至臨時政府閣員令。俟張竹霖二十四日午到京後。段張幾經磋商。直至二十五日晨三時始下。唐紹儀外交。龔心湛內務。李思浩財政。吳光新陸軍。林建章海軍。章士釗司法。王九齡教育。楊庶堪農商。葉恭綽交通。惟祕書長梁鴻志則不用明令發表。觀此名單。設各員均能就職。可謂為多少容納各派。現在吳龔章等已在京就職。葉亦不日可到任。李思浩雖在滬。就職不成問題。惟唐之海軍。王之教育。楊之農商。是否願就。尚在未定。而唐意更屬不願勿遽此上。京中疊電相催。未必能變其志。因此二十五日再行命令。令在外交財政海軍教育農商各總長。唐未到任前。由各部次長即外交沈瑞麟。財政張訓欽。海軍徐振鵬。教育馬敘倫。農商劉治洲代理。臨時政府不久當可成一局。聞段已下令。派許世英為國民會議籌備處長。至此先乎國民會議之各省區代表善後會議。何



府成立。即行廢止。同時又下三令。(一)臨時政府。革新政制。與民更始。所有從前行政司法各令。除與臨時政府制抵觸或有明令廢止者。均仍其舊。(二)京外文武官吏。均仍舊供職。(三)德薄時艱。勉矢公誠。求孚民意。刷新政治。整飭紀綱。所望官吏人民。協力同心。共臻治理。至臨時政府閣員令。俟張竹霖二十四日午到京後。段張幾經磋商。直至二十五日晨三時始下。唐紹儀外交。龔心湛內務。李思浩財政。吳光新陸軍。林建章海軍。章士釗司法。王九齡教育。楊庶堪農商。葉恭綽交通。惟祕書長梁鴻志則不用明令發表。觀此名單。設各員均能就職。可謂為多少容納各派。現在吳龔章等已在京就職。葉亦不日可到任。李思浩雖在滬。就職不成問題。惟唐之海軍。王之教育。楊之農商。是否願就。尚在未定。而唐意更屬不願勿遽此上。京中疊電相催。未必能變其志。因此二十五日再行命令。令在外交財政海軍教育農商各總長。唐未到任前。由各部次長即外交沈瑞麟。財政張訓欽。海軍徐振鵬。教育馬敘倫。農商劉治洲代理。臨時政府不久當可成一局。聞段已下令。派許世英為國民會議籌備處長。至此先乎國民會議之各省區代表善後會議。何



日召集尙無定期也。賄選國會問題。自馮軍回京以來。迄未提及。坐令受賄議員。優游自在。殊不足以壓人之望。留津未參與賄選議員。本有二十三日全體入京。即發宣言。取銷現國會。另組團體。監視執政政府之說。但屆時未見有此舉動。惟彭養光等六人二十三日見段。述非常國會之必要。一星期內開會。希望國民會議組織法由該會制定。二十五日。彭等百餘人在太平湖三十一號會議。通過非常國會組織大綱及議事細則。推范熙壬等四代表謁

新閣員之一



外交總長唐紹儀

段。請召集非常國會。並電滬褚輔成。津湯漪等。催速赴京進行。一方並擬請王揖唐為衆院議長。為保全國會交換條件。豈此所謂非常國會者。即拒賄議員取消現國會之舉動歟。平心而論。拒賄議員。雖守正可取。然首屆國會紛爭歷史已久。去年經過賄選。信用更喪。定此墮甌。有何裨益。為澈底革新計。拒賄議員正不如自動解散現國會之為得也。又從前之安福部。於段就職之日。即由在津之王揖唐宣言正式取消。王之宣言云。(銜略)兵氛甫戢。黨禍胥除。政象清明。此為嚆矢。惟建始伊始。

經緯萬端。近察民品。遠懲往軫。竊謂過去之國會與政團。論情勢既已推移。論良知能無自懺。屬當昭蘇之會。敢忘濯厲之圖。凡我同儕。均同斯旨。即自本日起。宣告安福俱樂部正式取消。此後除舊布新。別籌塗轍。深維亡夫有責之義。儘有吾人自効之途。善乎段合肥艷電有云。非有澈底改革之決心。惡得民國本來之面目。當頭棒喝。昭若日星。謹奉仁言。兼申積悃。邦人君子。希共鑒之。王揖唐敬。▲長江形勢。自張馮抵津。會議軍事。遲遲尙無結果。長江直系武人。遂

新閣員之一



農商總長楊庶堪

得乘機譁張為幻。由擁吳討馮一變而為擁段。更由擁段再變而為否認北京政府。三變而竟是組其所謂『護憲軍政府』。四變而復擁段。變動之中心。在於蘇齊鄂蕭。而齊與蕭則又視吳佩孚之行動。隨時轉變其態度。吳於十五日晨抵甯。而南京會議遂有擁段討馮之決定。迨吳氏溯江西上。十七日直達武漢。而齊變元領銜組織護憲軍政府之條電遂自武昌發出。長江局面。人人以為必因此電而發生劇烈之變化。戰事或致不免。詎知事有不然者。觀篠電列名。齊變元巍然居首。孫傳芳蕭耀南劉鎮



華次之。而吳佩孚反屈居於劉之下。最後則并望滇垂涎之黃毓成金漢。與徘徊歧途之林虎洪兆麟亦附驥。尾然林洪之姓名。既有粵軍代表劉君亮通電聲明盜竊。某要人又謂劉鎮華斷不與聞。而十九晚消息。則鄂蕭既反對軍府設在武昌。蘇齊又對吳隱示不滿。召集各省代表會議。託名保境安民。聯防以外不問他事。十九日發出皓電。二次擁段。列名者與前此蒸電相同。惟皖省易馬聯甲為王普。此已足使吳氏主發之。

護軍使職。兩相對峙。尙無解決。以擁段言。齊固不能反對張之就職矣。浙江方面。甯波浙軍與孫傳芳軍日前已有小小衝突。怨憤所激。必致爆發。孫氏解散浙軍第一師之舉。雖以浙人堅決反對而停頓。然孫氏既委陳儀為師長。又委非浙籍之孫昌基李寶章為兩旅長。致該師下級軍官。羣起反對。通電拒絕。外傳浙軍醞釀驅孫。行將成熟。而發難之地。當為甯波。孫氏固未可高枕而臥也。

條電失其價值。同時孫傳芳又鑒於環境。頗不自安。乃藉詞代表行動謬妄。掩飾過去。蕭耀南又因鄂人堅決反對。王汝勤亦不贊同。遂於吳氏十八晚赴鄭後。漸變態度。謂祇知保安。並無組設軍府之事。甚至謂條電並未目睹。夫齊孫蕭尙如此反覆。其他更不必論。於是齊孫蕭領銜倡設之『護軍政府』。大好招牌。方歷二日而破裂。長江局勢。當然因此輩直系餘孽之反覆無常而又起變化。高唱『討逆』。對北備戰者。遂祇剩往來鄭洛之吳佩孚一人而已。據近日所聞。北京消息。則謂吳佩孚二十四日已有密電擁段。齊孫蕭等亦均列名。長江方面大致可以無事。而漢口消息。則謂黃河北岸胡師寇旅業已開火。同時張宗昌雖聲明並無圖魯之意。而奉軍在德州以南迄未撤退。津浦此段奉軍五萬餘人。依然有所準備。臧楊回南圖浙。朱泮藻回廈圖閩之說。亦有所聞。是則齊變元設對北京政府再有所反抗。盧永祥或仍率師南上。未可知也。他如上海一隅。宮邦鐸固早奉齊命而就松滬鎮守使職。張允明今又奉段命於二十四日就松滬。

#### (下) 顧回之事 戰北東



#### 海關之內奉軍

▲張馮行動 當長江方面有護憲行動之時。張馮本主南下討伐。賴於段氏主張和平。不能實現。奉軍且由德州轉退滄州。以免與魯軍發生衝突。鄭士琦更派代表向段解釋誤會。不得已時。奉軍仍可假道魯境也。馮玉祥因段既回京。亦於二十二日晚回京。即有辭職下野。出洋留學之傳說。二十五日。馮意更決。且電吳佩孚。請以國為重。偕遊歐美。馮部軍隊將改編國軍五師三旅。以資收束。張作霖偕張學良等二十四日赴京。奉軍第一軍駐豐台。第二軍駐馬廠。入北京者約五千餘人。張俟孫中山到京晤商後。再回奉天置所部。正式取消自治。而對付長江用兵與否。悉聽段氏主持。

云。

▲中山北上 孫中山十七日晨抵滬後。十九日招待新聞界。演說要旨。謂此次北上。當以誠意圖謀和平統一。提倡召集國民會議。解決糾紛之時局。為改造中國。須以推翻野心軍閥及打倒帝國主義為二大目標云。

云。二十二日。孫氏偕李烈鈞等乘上海丸出發赴日。再由神戶轉津。二十



三日抵長崎。二十四日已抵神戶。由日赴津當在二十八九日矣。

▲西南大局。中山雖已北上。而西南北伐。依然進行。譚延闓節制北伐各軍。前隊業已入贛。不日進攻贛州。方本仁常德盛且有回戈驅蔡之說。湘南方面。程潛之援鄂軍將抵郴州。唐生智似有迎程倒趙之意。湘西方面。聞熊克武所統川滇黔湘四省聯軍。前鋒已進據常德。尅日即向公安石首襲擊。先取荆沙。圖攻武漢。而林支宇唐榮陽又在常德有異動。林就建國軍援湘總司令。唐就建國軍援湘總指揮。集軍慈利。預備攻省倒趙。而對於熊軍之進占常德。則棄置不顧。可見其已有接洽矣。外傳趙派賀耀組劉劍兩師往禦林唐。常德業已開火。雖未徵實。而趙之危迫。可以想見。湘局既緊。鄂省亦受影響。故盧金山十八師。全部由川抵鄂。蕭耀南令

該師暫勿赴岳。三十五旅駐荊州沙市。三十六旅駐宜昌。留守鄂西。以備川軍之進擊。陳景漢亦回岳佈防。誰保鄂境。陳炯明十四日到汕。但因援閩問題迄未解決。故暫不就粵贛閩聯軍總司令職。蓋陳主張派兵攻漳。而林虎洪兆麟依然擬先攻廣州也。滇黔之間。聞唐繼堯已向袁祖銘有所接洽。川軍則劉成勛系當然與南方表同情。楊森賴心輝。雖欲助吳。但被阻於王汝勤。川軍固未能入鄂也。福建內部。則閩南民軍本擬聯合攻張毅孔昭同。乃高義揚漢烈吳威助周蔭人軍以攻陳國輝。致泉永戰事。陳軍全敗。已入永春。張貞赴廈。初擬赴泉指揮民軍。亦以陳敗之故而中止矣。

## 曲諧 (續)

二北

甜齋別有清江引相思。語質而喻工。亦邑散詞上乘。「相思有如少債的。每日相催逼。常挑著一擔愁。準不了三分利。這本錢見他時才算得。」此等曲。讀來但覺其為說話。並不知其為韻文。而又有對仗于其間也。惟以放債喻相思。亦元人沿用之意。特以此詞為備耳。憶關漢卿沈醉東風曰。「伴夜月銀箏風閑。暖東風繡被鴛慳。信沉了魚書。絕了雁盼。離鞍萬水千山。本利對相思。不還。則告與那能。索債者愁眉淚眼。」此于前喻之外。又添愁淚為索債者。靈思綺想。不斷如環也。

曲既以顯豁為貴。則遣辭立意。都不容深僻隱晦。比興之義。可以虛存。而不宜實用。一實用便是詞矣。元人感時傷世。或針砭風俗。託之雜劇。粉墨登場。搬演善惡。都從普遍處設想。絕不明譏一人。抑暗諷一事。故有元一代曲雖盛行。但供文人陶寫。平民輿觀。絕無觸犯時忌。干怒權顯。而與文

字之禍者也。散曲中之嘲弄。更屬遊戲之作。為多。如嘲妓浴房中被打。嘲歪嘴。嘲秃指甲。都不成題目。明人則漸有藉此體以肆譏彈者。傳奇中為甚。而散曲中亦不免焉。如正德間閨寺橫行。往來津要無虛日。每到一處。輒吹喇叭。齊丁夫。民不堪命。正與今日辦兵差。拉夫役。同一肆虐也。王磐朝天子詠喇叭云。「喇叭。鎖哪。曲兒小。腔兒大。官船來往。亂如麻。全仗你。攪身價。軍聽了。軍愁。民聽了。民怕。那里去辨甚麼真共假。眼見的吹翻了這家。吹傷了那家。只吹的水盡鵝飛罷。」然似此託物緣情。通體隱寓諷刺者。曲中絕少見。亦正用不著也。曩年江蘇議校風潮。遐邇共知。箇中曲直。何待辭費。有作嘲議員南曲金落索六首者。將當時情事。穿插點綴。頗見心思。然措詞深切有餘。溫厚不足。按之古人立言之方。乖而下矣。附錄于後。亦略見古今文體之升降焉。



「生涯要選強。積蓄些微仗。除掉捐官。還有箇途兒。廣風行算此。行莫裝腔。江北江南一例。忙都教靜聽銀錢響。便不識字的哥哥。也不妨開盤講。朝朝市價按低昂。拚今番賣女。賒娘半票也難相讓。」傾瀉而出。不留餘地。妙在莫裝腔三字。正以世人裝腔者多也。

「輕盈匪一方。民志何曾放。若問其中筆。筆是家兄的。賬頭銜。一旦揚大和光。從此秦淮花酒香。諸般待議都成謊。月費頻加自主張。胡喧嚷。無非信口亂雌黃。議場兒。賽過放牛場。說甚麼莊嚴象。」若問兩句。讀之令人哭笑不得。結語所慨。正是國史中慣見之醜態。亦不獨諸公如此。等而上之。何莫不然歟。

「邪風結彘張。正社名偏亮。幾處關捐。霸占做財源旺。爲頭是箇王。術高強。祇看紛紛入穀忙。天良第一難言講。身價人人百十洋。低頭想這勾當。原好似經商便利心。兒不重也。本需償說破了。還求原諒。」前半過著痕迹。縱是信史。亦有失風人之旨。後半低回宛轉。跌宕而出。雖一味刻薄。要有風趣。

「甜頭又好嘗。查辦財。應樣預算。推翻追認的。當兒上。噴人血口狂。肆囂張。惱怒淘淘到法堂。呼聲醜態般般放。驗來時。却額角些須擦碰傷。今番枉空丟話柄。落荒唐解人兒。未必很同行。怎不買這其中的賬。」起處字句不多。既挾隱情。又敘詭計。筆端鋒利。頗極行文之快。若結語則掬出肺腑之談。真有一鞭一條痕。一擱一掌血之概矣。

「饒他會著意。防也把你箇冤家撞。學子拳頭。那及機工壯。貪熊毒似狼。一椿椿。宣布當街罪狀長。你摧殘教育情非枉。你褻瀆民權惡最彰。千秋上名兒。那管你臭和芳。好安排。快鏡端詳。權留下這刁模樣。」學子兩句。刻毒之至。舊事重提。令人摩挲脾肉。面頰不盡。未免挖苦太甚。千秋上以

下。聲情並茂。讀之最爲痛快。筆酣墨舞。應非過譽。

「傷心更病狂。異地糾同黨。倚仗人多。通過要如翻掌。人心未死亡。猛宜揚。鳴鼓齊攻士氣張。是蘇人從今把正誼維持往。單看他困獸再如何鬪。一場無聊狀。宣言一味裏自瞞藏。其實你臉皮兒原厚過石頭牆。還怕甚麼嘲和謗。」石頭牆。謂石頭城之牆也。詞意俱贅。強弩之末矣。更有一尾聲云。「他道將來勝利知誰享。便饒你阻過我今番。願不償。怎當我打疊貪囊。又作下屆忙。」頗見此輩利害。有心人正爲之氣阻不置也。

南曲與北曲。情殊勢異。論風趣亦北直率而真切。南柔婉而浮誇。南詞宗匠。向推陳沈。陳大聲秋碧軒詞稿。沈青門唾窗絨。今世皆不見有傳本。而就諸選集所錄。亦已可觀焉。唾窗絨顧名思義。即可知其以香奩之作爲多。後來如梁白龍施子野等。散曲中多效唾窗絨之體。是其詞在明季一時風行。爲人所慕。又可知也。大抵沈作輕脫流利。令人朗朗上口。絕無留滯。如黃鶯兒佳人秉燭云。飲罷月朦朧。照朗歸繡戶。中銀。事緣蠟含羞。捧露纖纖玉。惹映盈盈粉容。偷回笑臉。嬌波送怕東風。半途吹滅。伴托袖梢籠。」寫得活潑生動之至。並可作一幅畫圖看也。

青門香奩。真有他人不可及者。縱令道學家讀之。當亦同爲忍俊。而不忍遽加呵斥也。如懶畫眉春怨曰。「倚闌無語。搭殘花。暮然間。春色微烘。上臉霞。相思薄。伴那冤家。臨風不敢高聲罵。只教我指定名兒。暗咬牙。」又春閨卽事云。「東風吹粉。釀梨花。幾日相思。悶轉加。偶聞人話。隔窗紗。不覺猛地。渾身乍。却原來。是架上鸚哥。不是他。」又贈小姬云。「海棠花相並。愧無香。笑臉兒。盈盈罷曉粧。春風微動。翠羅裳。分明一點芳心。蕩莫不是昨夜峯頭。過楚王。」無不神采奕奕。撲人眉宇。開卷微吟。卽有欲罷不能之勢也。



有時窮形盡像。翻成醜態。令人讀之。微微作惡。不若前舉三詞。尙覺富麗明豔。安詳閑雅者。則如鎖南枝云。「雕闌畔。曲徑邊。相逢他。猛然丟一眼。我口兒。不能言。腿兒。撲地軟。他回身去。一道烟。虧得臘梅枝。把他來抓箇轉。」又云。「花陰密。竹逕昏。嬌娥見人歸去得緊。唐土兒。却知音。留下他弓鞋印。我輕輕。驗細細。輪不。差。移。止。三。寸。」餘如幽會諸詞。梁施輩疊和

## 最後之小說

Thomas Edgelow 著  
馬二先生譯

儂生於米其根湖地方。今年二十四矣。儂父曾供職於地方上之小銀行。以肺炎疾歿於某冬。時儂方三歲也。儂母素弱。二年後亦相繼逝去。於是儂儂一身。遺留世間。無兄弟姊妹。親族中唯一姑母溫德渥夫人。是儂亡母之妹也。

姑母薄有收入。僅可自給。賦性甚頑固。且篤信宗教。對於小兒女之所爲。輒斥以爲妄。鎮日營營祇一守其本分。伊以爲本分者。且強儂亦以本分視之。此即其所以教誨苦無依之侄女者也。儂既受姑母撫育之恩。故對於姑母之感念。幾難言喻。幼時得享快樂光陰。實以此耳。及儂長大成。至十七八時。乃漸感愁苦滋味。儂蓋負有不能過宥之兩大罪過。則青年與美貌是也。

譯者按。青年與美貌乃爲罪過耶。前此殊未之聞。雖然世間有多少之罪過。皆發生於青年與美貌。而尤以青年美貌之女子爲多。然則露納之言。殆爲女子之先覺者。故毅然自承青年與美貌爲生平兩大罪過耶。古詩云。人生莫做婦人身。婦人亦人也。何遂不幸若是。惟青年而美貌之婦人。斯乃不幸之甚者也。吾譯斯言。不禁爲世界之女子悲。

不已。不但爲文自鄙以下。毫無足取。而完全是勸淫筆墨。適成明人不善學元人之過。坐令詞曲一體。不理于迂儒道學之口。青門輩不得辭其咎也。厲樊榭引山谷之語。妙年美士。近知酒色之娛。苦節靡儒。晚悞裙裾之樂。鼓之舞之。使晏安耽毒而不悔。青門蓋同有其罪。非苛論矣。

儂如據實記述以示世人。人或擬儂之自負其貌。而加以譏嘲。雖然造化苟不以此苗條身材。金黃之髮。澄碧之目賦儂者。則儂之遭遇。必且必大異於今。茲之所記述。或竟至無可記述。未可知也。

姑母對於儂之青年。已既難於從恕。而對於儂之美貌。則直以爲必不能輕恕。當儂初長成時。姑母年已近五十矣。身高而細。然儂深知其猶強着堅硬之腰衣。Corsets 故平日常見其挺然直腰而坐。除就寢而外。儂未見其有一秒時能自舒也。

姑母待儂如小兒。恆衣儂使溫暖。特其衣料皆購自鄉間肆中之最劣者。儂之髮分紮作雙辮下垂。直至成人乃止。冬季祇一紅法蘭絨衫。夏季亦祇一方格線衫而已。姑母固曾受良好教育者。以此之故。儂遂得較諸同樣境遇之孤女。得受較良之教育。此儂之終身所不敢忘者也。能事事追隨姑母之方式。則伊亦甚和善。惟姑母似生平未嘗經過少年時者。

譯者按此節活畫一儉刻自是之老嫗。以之臨於十七八妙齡女郎。復嚴以取之。宜其如冰炭之不相投也。於是乎露納危矣。

十八歲時。儂學得速記與打字。遂能於一煤商公司中獲一位置。日間服務于公司。晚間則居于家中。——祇一間甚小木板之屋。儂視之以爲家。



者也。後經改良。儂乃隨禱於禮拜寺。或參與郊游。偶聽演說。常日生活。如斯而已。

二十歲時。儂忽又發現一事。足以自娛。其趣味與利便。皆爲儂前此所未經。能超過一切游樂之上。使儂懽欣鼓舞。不能自已。則儂居然能執筆爲文是也。儂有一至契之友。列尼史脫來姑娘。較儂長兩歲。肄業於芝加哥美術學校。伊現時則已離却米其根地方。往紐約。居於格林惟志村間。任一小雜誌之纂述。常馳函與儂稱述著作之事。儂祕之。不使姑母知也。自是儂每禮拜中。亦必爲函報之。且以餘暇就村中所聞見者。著爲日記。有時且及儂之思想與志願。自是而後。儂之所記述者漸廣。然祇於通信時。示諸列尼。其他人無由見也。列尼後覆函。謂儂之記述。足使伊驚喜。何弗本此天才。向著作界中奮鬥。儂得是言。幾於驚駭。不能自信。儂豈已可爲著作家耶。甯非奇事。儂雖不敢自信。然嘗各雜誌中得誌著作家之酬勞。一枝之筆。其收穫頗不菲。儂以是乃立志自勉。冀得於文學界中有成功之一日也。

儂每夕就寢甚早。坐於牀上。則以枕作几。置紙一疊。用鉛筆屬稿。亦弗使姑母知也。稿成。則攜往公司中。潛於暇時。以打字機繕就。方儂第一篇小說稿成。將寄往某雜誌時。儂心中之震動。至今猶未能忘。儂不敢寫居址。以公司爲居址。懼覆音或爲姑母知也。稿寄去許久。儂焦急不可耐。兩禮拜後。始得郵局帶回音至。則原稿退還也。儂是時傷心已極。然不因是自悞。猶思再試。此一年之中。儂更作更寄者。不知凡幾。顧其結果。乃皆原稿寄回。亦間有得編輯先生之簡單回信者。無非道不能收用之理由。亦或附一二勉勵之語。儂至是遂不能不將著作之事姑置之矣。然儂之所以暫時置之者。以方將研究愛情之功用也。儂年已二十二矣。忽經一男子

強行接吻。此實儂乍嘗愛情滋味之第一遭。

先是有約翰哈各德者。設藥肆於村中。社會上之富翁也。儂初不深悉其人。約翰有一子。名甘納司。此少年常外出就學。始在紐約某校。繼入某學院。後乃返家。助其父執業肆中。甘納司長儂兩歲。高大健壯。一表非俗。其氣度儀狀。與儂生平所遇諸人大異。儂初遇之於禮拜寺中。一見之下。似已發生愛情。若雙方情緒。在此一瞥之時。即驀然互相感動者。自後遂常與之祕密晤聚。蓋甘納司告儂。謂彼已傾心於儂也。

儂與甘納司密叙時。恆託詞告姑母。謂在公司中服務。或在晚膳後。亦必謂公司中有急事。相需。姑母初不之疑。伊何以不疑。且始終不知。誠一奇事。蓋村中社會至爲簡單。各人之行爲動作。恆皆爲羣衆所共知。共見也。是年夏間。甘納司忽來邀儂。同操小艇遊湖。既而抵一小島。彼偕儂登岸。小憩。不覺爲時已暮。明月東升。方流連間。陡覺甘納司之臂已摟于儂頸。而向儂唇上接吻。儂被強迫。幾於氣急。不能自主。似覺身處危境。因力推而起。呼曰。止。勿再如是。甘納司遽怒。返掉婦家時。彼語儂。謂儂爲苦命。彼乃驕兒。似各儂不應拒彼者。儂是極飲泣終宵。詎翌晨則聞甘納司已動身赴芝加哥矣。繼又聞彼早告其父。不欲久留家鄉。其父哈各德允給資本若干。俾其立身於都會。茲事早經決定。彼乃對儂無一言。是其用心。祇欲儂爲彼暫時之娛樂品耳。事過情遷。瞬且忘之矣。能勿使儂傷心耶。

譯者按。情竇乍啓之女郎。往往爲狂且所誘。其情形大率如此。事過情遷。即掉首若不相識。願一般青年女郎。用以爲鑒。而深加警戒也。雖然。自是而後。儂心雖苦。而其所以助儂成功者。爲力亦巨。儂復理文字。旋將儂與甘納司所經之事實。演爲短篇小說。寄與雜誌社。自信或不致退還。果然十日後。竟得百元支票之酬金。不禁狂喜。儂之小說。第一次得



售矣。第一次小說售價。竟為百元。是誠儂之所不敢希望者也。

譯者按。傷哉我國之著作家也。無名者勿論。已以一短篇而能得百元者。恐胡適之林琴南猶未必曾得此善價。露納姑娘第一次文。竟得如斯善價。能不令我儕羨煞耶。

嗣後儂於儲蓄銀行中居然存得六百元之數。此錢非盡由著作得來者。蓋儂母亦略有所遺。而儂乃以辛苦所得。逐年儲入。遂得達六百九十三元之數。不可謂非幸運。此時儂乃告姑母以文學上之成功。並以所出之雜誌示之。姑母讀後。亦大加稱奇。對儂狂喜。不但此也。自後村中諸人亦漸多知儂之能著作。而禮敬有加焉。儂於是遂為斯鄉有名之文學家矣。爾時儂遂決心欲往紐約。以晤老友列尼。擬盡攜儂之資產。賃居於格林維志村。以著述為生活。必將有成名之一日。特此事萬不能謀之姑母。謀之必無益。儂志既決。是年冬初。姑母適勾留於近村友人家。儂乃從容整理行裝。將銀行存款盡數取出。繕函告知姑母。備述詳細。度姑母或竟不知有格林維志之牙。伊心中之紐約。直以為是近代之巴比倫也。諸事就緒。儂於一晨間。逕附火車往芝加哥。轉乘快車赴紐約矣。



望。則第一篇既得售。此後當不憂無受主也。

譯者按。露納姑娘在車中之思想如是。而孰料其偏不然。文字雖佳。終難餬口。情嫁未斷。忽又目成。是知世事之未可盡料。而文字之貴有波瀾也歟。

儂於是即以鉛筆與紙在車中作預算。儂前售去之小說。計一禮拜作成。設每月能作四篇。而四篇中能售去其二。則每月可得二百元。每禮拜約可得五十元。詎非甚佳。自信果能得善價者。則以前所作文字。儘可概行售去。用以增加儲蓄之款。預計一年之後。或可歸里。爾時當駕自備之汽車。御華美之時裝。村間細人必且爭相出視。向此女著作家乞得相片。以為榮幸焉。此誠幻夢。儂夢未已。車已駛抵紐約大車站。時為晚間九點鐘也。既下車。儂攜一提色。而置行李于車站。雇一汽車。逕往西區第四街。列尼工作室之所在也。儂動身。前既未函告。此時遂逕往尋之。既抵登樓。樓梯製以木。甚齷齪。梯盡處有一室。門懸列尼之名牌。叩之。門啓。列尼出。睹儂喜極。呼曰。露納。汝耶。亟請進。告我何以至此。我誠不料汝能來。真使我高興極矣。

車輪如飛。載儂東駛。心中千端萬緒。起伏不定。此後生活。將矢忠於文學界。對於男子。可告終了。儂之所以作是想者。因憶及甘納司之事。而決然舍去男女之愛情。以為箇中况味。不過爾爾。無足留戀。至於文學上之希望。

伊挽儂入室。為一大間。附有浴室及廚房。工作室中裝飾品頗多。然殊不雅潔。就坐後。儂亟以近况告之。如何能售出小說。如何離却姑母。前來紐約。擬以文字為生活。列尼聽了喜極。曰。汝其能幹。今夜且住于此。明日再當助汝覓相當住所。此間正當莫頓街之側。汝來甚佳。今夕正有一盛會。



儂曰。盛會歟。此時不已九時半耶。列尼笑曰。汝真稚氣。此間聚會。率在一時開始。汝正可趁此時間洗浴——汝莫以此見怪否。儂問何事見怪。伊曰。汝貌誠美甚。但所有衣飾太不入時。我能為汝打扮。打扮後。必且使人皆刮目。汝能不以我直言而見怪耶。儂聞言。殊坦然。自知所着衣飾不足以及入時髦之目也。

儂浴時。列尼為儂料理一切。既睹紅法蘭絨內衣。則大笑曰。我正需做地毯之材料。此乃正合用。因出一網質白色裏衣。畀儂曰。可以此易之。幸汝與我肥瘦相若。可以通融。機與機汝亦可著。儂時從鏡中自窺。幾不信為自身之影矣。復着黑絲長襪。高底之鞋。黑帶綠絲之衫。綉作蔚藍之色。列尼更堆儂之髮。使作雲樣。膏儂之唇。作猩紅色。復以極香烈之粉。遍搽儂之兩頰及頸後胸前。儂受茲修飾。幾覺氣窒欲噁。

## 裴斯開登之「三個時代」

Buster Keaton in Three Ages

何心冷

裴斯開登之滑稽片。余於卡爾登觀之屢矣。此君妙處。在心思巧妙。善於運用各種機械。以引起觀衆之狂笑。且其面目癡狀。裝束離奇。亦足以使人破涕。惟其作品。率以二本為限。觀者每嫌未足壓望。今則裴斯開登之三個時代 Three Ages 一劇出現。無怪觀衆趨之若鶩。一堂之內。自始至終。祇聞嘻哈胡盧之聲也。

是劇凡六本。係就野蠻時代羅馬時代及近代間男女間交際情狀編演。不外描寫男女交際之妒忌。奸詐。陰刻。復仇諸惡習慣。其排列方法。則以事實為主。而時代為賓。如求愛也。則先古代而中古而近代。其團聚也。亦如次映演。愚為叙述上簡便起見。三期分述。削足納履之譏。固難免也。

列尼復以一杯使儂飲曰。每次一口。勿多。用以潤喉生津。儂受而試之。不覺皺眉曰。此味太苦。列尼笑曰。汝真不識貨。此為賽會作品。交際場中。至為難得者。速飲之。當覺其好處。儂飲畢。數分時後。果覺奇香沁腦。紐約詢無奇不有哉。幸已至此。後此希望且無窮。因問盛會之所何在。列尼曰。不遠第八街。我等所往者。為安松尼司如德之家。司如德乎。儂固諗其名。特未嘗見其人。知其為某雜誌之主撰。而有名之著作家也。今竟居然得與之晤面耶。

(未完)

譯者按。通都大邑。每有譙集。衣冠咸皆楚楚。而其家中之景况如何。初不能問。親拉列尼之居。可以知之。露納初至紐約。便得此名師指授。其不致墮落者幾希矣。鄉間愚樸青年。乍游都市。其情形大概如是。可懼也。

劇中主要人物。裴斯開登飾少年。 Margaret Leahy 飾少女。華

雷新別萊 Wallace Berry 飾少年之情敵。

### ■野蠻時代■

野蠻時代。文化未昌。人民穴石以居。裸體不衣。僅以獸皮圍諸腰際。以掩下體。別萊軀體魁梧。鬚髭盈頰。挾巨槌。踞象背。挺擊象首。象匍匐別萊一躍而下。裴亦乘一獸。身長丈餘。自頸至首。亦丈餘。尾亦如之。裴彳亍其上。狀頗安逸。見別萊趨下象背。則一躍而登獸首。獸以首仆地。裴亦落地。二人目光均集于山坡間之少女。女貌絕美。披髮跣踵。身披豹皮。見二人初無好惡。惟裴因羸弱之流。故女率為別萊所奪。裴亦無可如何。一日。裴登山閒眺。至則石上臥一人。絕類女子。裴因臥其側。時以腕相觸。其人



本然無動。裴察此人目光所及。則見山下有男子方向女子求歡。女不置可否。男子喜極而狂。急曳女髮歸穴。裴至此時。知男子對待女子之法。於是一躍而起。力曳身旁臥者之髮。其人聳然起立。因一偉男子也。裴大駭。其人奮臂一擊。裴乃直墜深淵。異日。裴方與女俱為別萊所見。乃相約以決鬥博勝負。勝者得女。至時。兩人各挾巨槌。裴力怯失敗。方其倒地。忽觀槌端有孔。因塞石其中。乘別萊不防。躍起擊之。別萊受創而倒。裴至是大步而去。嗣為別萊察知其計。集衆人捕裴。縛而繫諸象尾。使象曳之行。裴無可如何。亦惟有任其播弄。行久縛斷。裴急起登山。遙見別萊已挾女于穴外。女固愛裴。然處暴力之外。亦無以自脫。裴飛奔而至。正踞穴上。乘別萊不覺。曳女上升。挾以俱奔。衆追擊然。裴卒敗衆人。與女成婚。數年後。兩人相偕自穴中出。則身後隨子女十人。最稚者方學步耳。

羅馬時代

別萊為一上級軍官。裴則為下級軍官。共悅一女。別萊氣極軒昂。四馬駕車來訪女。裴車亦四騎。惟為一馬一驢及兩驢耳。別方向女求婚。裴繼至。亦向女寒暄。詎女父母見狀。以裴之權位不及別萊。使之去。裴既出。頗憚。一日。天方雪。裴與女並肩出門。以天寒故。裴以外衣為女禦寒。適為別萊所見。憤甚。惟長此仇視。終非良策。乃相約於某日賽車。以定勝負。及期。別萊駕車至。裴則思時方雪。深輪荷陷雪中。殊不便。不如易以冰牀。似覺較捷。至此。乃駕車來。易車輪為冰床。易馬為犬。既起賽。裴車屢前。別萊之從者。欲有以敗之。

Buster Keaton  
Three Ages



三個時代  
之  
裴斯開登

乃以一貓縱之車前。貓奔歧路。裴車前之犬。見貓則緊尾不釋。裴恐不能勝別萊。且不得妻。因捕貓縛諸槍桿懸於車前。犬見貓。奔益烈。而賽車終以獲勝。惟別萊因敗頓起奸謀。誑裴入女家。陰啓地窟推之入。窟中有牡獅一方。踞一隅。裴見之大駭。繼思前人之與獅為友者。每從獅爪發生關係。因舉獅爪細察。固無些許創痕。裴乃為獅滌爪並為修刮指甲。獅亦安之。嗣為女父母所知。援裴出窟。時別萊為誑女還家。欲施強暴。裴卒出死力援之脫險。與女締婚。數年後。兩人挽臂自屋中出。已有子女五人矣。

近代

別萊與裴爭愛一女。一日。各駕汽車往女家。別萊先至。裴則因車撞土堆。輪脫車散。乃徒步而往。既至。則別萊方與女絮談。裴因持電話聽筒。誑別萊。別萊不察。裴始得近女。嗣別萊知裴有意戲弄。憤憤而前。挾女坐沙發談話。裴徘徊其側。至無聊賴。有頃。女父自外來。兩人爭相求允女婚。女父曰。『予為家主。關於擇婿事。當取決於……』言至此。女母自外入。女父續言曰。『當取決於吾妻。』於是二人乃問女母求允。女母令各以財產相示。別萊出一 First National Bank 之存款簿。裴則為一 Last National Bank 之存款簿。女母因別萊富有。遂允女與別萊締婚。裴憚而去。他日。別萊挾女入酒樓。談笑甚酣。裴時亦入。睹狀至不歡。時隣桌有夫婦兩人。夫固嗜酒。因適見偵探徘徊戶外。不敢冒險。因美國酒禁彌嚴。乃盡傾入水瓶。潛移置裴桌。裴不察。盡飲之。頹然醉矣。此時飲酒之男子。因事離座。裴乃



與彼婦並坐。婦絕妖冶。時對鏡塗脂描眉。以炫其美。裴時已醉。疑入酒館。必須整容。乃出囊中修面用具。就桌間雜鬚。男子返逐之去。裴不勝酒力。隱几而睡。時別萊與女將行。別出鉛筆書一紙條。授之侍者。告以遞與隔座女子。侍者應命。紙條甫入女手。其夫奪而讀之。則紙上所書謂「我等將在外相見。此際我正伏案而睡也。」男子見裴狀。因力捉而擊之。裴因痛擊。亦不知何故也。又數日。以賽球決勝。蓋女父母雖主女與別萊締婚。而女則雅愛別萊耳。及期。裴出奇制勝。卒奪錦標。別萊至是。乃陰以酒瓶

## 時妝小志 (九)

置裴袋中。使警察捕之。裴乃踉蹌入警署。無意中忽得別萊犯案證物。指印照片。顯然無訛。乃懷之而奔。猱高梯。躍屋頂。備歷艱險。始得免脫。時別萊已與女入禮拜堂。裴囑汽車夫。以兩車並列相背。停於堂前。已則入內。攜女俱出。別萊見裴與女登車東行。乃急東追。實則裴固已入西向之車。而西馳矣。裴既得女。示以別萊犯罪證據。女亦大悔。裴送之歸家。及門。女吻裴。裴大樂。乃重挈女赴教堂結婚。數年後。夫婦相偕出門。觀者至此。必謂身後亦隨有子女一羣。乃竟不然。所隨者不過一小犬耳。

新儂

### (I) 皮飾

中國婦女之於皮服。除皮襖貂冠外。絕無其他物品。且絕無反着者。有之。則惟效法西洋之皮圍巾。與皮手籠而已。

皮圍巾。製以狐皮。或貂皮。或灰鼠等。而尤以狐皮為多。且綴以偽狐首。雙睛圓赤。白牙巉巖。足以怖小兒。狀如一真狐繞頸中。

皮手籠。形如圓袋。兩端留口。以綢緞為裏。口之下端。或垂穗二三。亦有製以全狐形者。余嘗謂時髦女子。一入冬令。則頸側腕中。如開皮貨店。堆置幾許。以多為貴。遙望之。第見各色皮毛。氍毹紛拂。初不見其面龐何似也。

## 慈禧秘紀 (續)

慈安后為風神婆化身

國聞週報

清廷宮女口述  
馬二先生筆記

顯皇帝(咸豐)之東宮慈安太后宮中相傳謂為風神婆化身。風神婆者。



爲京語。卽風姨也。慈安皇太后駕崩之日。京中大風竟日。砂石飛走。大樹爲拔。咫尺莫辨。室內未刻卽已燃燭。京中人謂風婆返駕。有風隨至。故有是異。惜余爾時尙未入宮。不之憶矣。

慈禧計撕慈安密詔

佛爺圖弑顯皇帝得赦後。帝對於佛爺不時防範。熱河病革時。詔慈安太后至。囑之曰。我死之後。西宮必操國政。其心毒辣。非汝之比。或有異志。顛覆國家。亦未可知。今予汝密詔一紙。藏之內衣帶間。不可令外人知悉。將來如有變故發生。汝卽持此遺詔處置之可也。慈安太后頓首接受。詔文內容外間無知者。慈安得詔之後。謹密萬分。不料竟爲佛爺探知其事。顯皇帝崩後。兩宮同秉國政。佛爺對於慈安。後改爲恭謹。順。凡事無不與慈安商知。然後施行。語言行動。謙卑自處。如是者有日矣。一日慈安后與佛爺閒話。慈安謂佛爺曰。先皇上賓。我二人受付託之重。恭謹將事。今已有年。汝我二人親如姊妹。諸無可諱者。今有一事奉告。望勿芥蒂。汝願聞之乎。佛爺曰。苟能相告。故所樂聞也。慈安遂爲細述其事。并將密詔取出示之。佛爺閱畢。卽曰。此詔關係重大。請密藏之。慎勿失落。慈安后笑曰。余既出而示汝。則卽無復藏之必要。于是當面撕而焚之。詎此詔焚去。不及二載。而慈安太后遂卽駕崩。或謂慈安后焚詔後。自知爲佛爺所算。故氣憤成疾。遂以不起云。

岳春林之福分

繼宮監馬某云。清宮貴族王公貝勒。自同治以來。無不能演劇者。雖世風使然而西佛爺提倡之力居多。相傳某次宮中演劇慶賀。各王公貝勒等皆登台串演。如溪皇莊振興。洵濤倫。肅諸人均在焉。角色配齊。獨缺賈亮。衆意擬覓伶人充之。遂召伶人岳春林至。令去此角。照例此劇各英雄均須向賈亮。口稱賈老英雄。而向之叩拜。演畢。後各王公賞岳伶廿金。岳伶歸吐瀉三四日。病一月始愈。或曰岳無此福分。不能受各王公貝勒之叩拜。故病。然岳伶雖歸家生病。而是日畢竟得受各王公貝勒之叩拜。亦終不得謂其無福分也。

慈禧之指甲

佛爺之修養指甲。工夫頗深。其指甲長者八九寸。短者亦五寸許。不獨冠于中國。亦且冠于世界。京中旗人婦女。在二十年前。皆喜養長指甲。故旌裝婦女之首飾。其佩戴于手上者。除指環戒指手鐲之外。更有所謂指甲套者。套于無名小指之端。套虛長至三四寸。相習成風。以爲美觀。此風蓋傳自宮中。佛爺提倡。而貴族婦女效之。於是社會間遂風行一時。今已不見矣。佛爺之指甲。既特別加長。而其蓄養保護之方法。亦極有研究。佛爺每晚就寢。命宮女取溫水數盂。以指甲浸其中。至透軟爲度。提出。而卷之。然後戴檀香木指甲套。方始就寢。翌晨起床。盥漱後。摘去檀香套。另戴以特長之金指甲套。此種指甲套。長約一尺二三寸。回手垂立之時。指甲套可上達至肩云。

某使入覲慈禧遇神

中國神道設教。嘗有某神某佛顯聖之說。其爲事實與否。未可知也。據宮監傳說。西洋人第一次入覲時。曾有遇神之事。某使隨恭王入見佛爺及同治帝。在中正殿延見。某使行鞠躬禮。佛爺及同治帝與之問答畢。退至軍機處休息。神色異常。與恭王等談話。詢恭王曰。頃在太后寶座後。身高一丈者三人。俱衣古裝。一持大刀。一掛寶劍。其中一人長髯紫袍。面如重棗。此何人耶。其羽林衛士歟。抑鎮國將軍歟。敢請以名姓見告。恭王瞠目結舌。莫之所答。某使語畔。猶露戰慄之色。時某大臣謂曰。后帝至尊。且係宮禁。絕無身後列衛之事。得非貴使視綫迷離之所致歟。使曰。不然。此三人余之參贊秘書等。實共見之。何得謂無其人。互相辨難久之。某使又曰。各國皇帝。無此衛士。中國衛士。實足令外人生畏。此事余當告之本國云云。其使去後。某大臣謂恭王曰。其中一人長髯紫袍。面如重棗者。此關帝正神也。執刀者。周將軍倉也。佩劍者。關將軍平也。此殆神聖之顯應歟。然是日在殿間諸王公大臣宮監等。乃無一見之者。是又何故歟。



# 前期勘誤表

題目	頁數	行數	誤	正
今後徹底改革之途徑	一下	五行	就任之福。	就任之初。
湯吉爾問題	一上	十七行	Aefonso	Alfonsu
東北戰事餘聞	一上	十五行	兩張卓子	兩張桌子
中國扇業之概況	四上	五行	貿易冊。	貿易冊。
國內外一週大事記	四下	二行	頗難估寄。	頗難估計。
	三上	六行	有待于段氏。	有待于段氏。
	三上	廿二行	段宅會議	段宅會議
	四上	四行	吳率。	吳率。
	四上	八行	比京政府	北京政府
	六上	一行	備口安格聯僅山。	安格聯
大局蛻變中之上海輿論	二下	十八行	直系撤段。	直系擁段。
	三上	十行	聽侯。	聽候。
	三上	十二行	全行應插入第十三行	
邊外英雄紀	一下	一行	因請觀焉。	因往觀焉。
	一下	一行	因漫記。	乃漫記。
麻將哲學	二下	八行	搖灘。	搖灘。
	三下	十四行	我既嚴他方我。	嚴防他方。
慈禪祕記	一上	十四行	孟蘭會。	孟蘭會。
	二下	七行	關秀織成。	關秀織成。

## 中華皮鞋有限公司

發行所 南京路拋球場



雨天皮鞋  
包不漏水  
每雙定價  
六元五角